

PROPRIUM MISSARUM BRIXINENSE-ÆNIPONTANUM

In Administratura
Ænipontana tantum

Die 3 Decembris

S. LUCII
EPISCOPI ET MART.
COMMEMORATIO

Oratio

P

Deus, qui beátum Lúcium Mártyrem tuum atque Pontificem de terréno regno ad cæléstis regni glóriam transtulisti: ejus, quæsumus, méritis et intercessióne, Regis regum Jesu Christi, Filii tui, fácias nos esse consórtes: Qui tecum vivit et regnat.

Secreta

P

Præsta, quæsumus, omnipotens Deus: ut, sicut beátus Lúcius Martyr ac Póntifex tuus, spretis mundi oblectaméntis, soli regi Christo placére stúduit; ita ejus orátio nos tibi reddat accéptos. Per eúndem Dóminum.

Postcommunio

P

Deus, qui beátum Mártyrem ac Pontificem tuum Lúcium mirificásti in terris, et gloriósum in cælis fecisti: eúndem, quæsumus, Ecclésiæ tuæ constitúe defensórem. Per Dóminum nostrum Je-

sum Christum, Filium tuum: Qui tecum vivit et regnat.

Quando de S. Lucio dicenda est Missa integra, sumitur Missa Státuit, de Communi unius Martyris 1 loco, cum Orationibus ut supra.

Die 12 Decembris

B. HARTMANNI
EPISCOPI ET CONF.

Duplex

(d. a. ex 23 huj.)

Introitus Eccli. 45, 30

STATUIT ei Dóminus testaméntum pacis, et principem fecit eum: ut sit illi sacerdótii dignitas in ætérnum. Ps. 131, 1 Meménto, Dómine, David: et omnis mansuetúdinis ejus. **V.** Glória Patri.

Oratio

Da, quæsumus, omnipotens Deus: ut beáti Hartmánni Confessóris tui atque Pontificis veneránda sollémnitas, et devotiónem nobis áugeat et salútem. Per Dóminum nostrum Jesum Christum, Filium tuum: Qui tecum vivit et regnat.

Et fit Com. Octavæ Conceptionis
immaculatæ B. M. V.:

Oratio

Deus, qui per immaculatam Vir-
ginis Conceptionem dignum Filio
tuo habitaculum præparasti: quæ-
sumus; ut, qui ex morte ejusdem
Filii tui prævisa eam ab omni labe
præservasti, nos quoque mundos
ejus intercessione ad te pervenire
concedas. (Per eundem Dómi-
num nostrum.)

Deinde Commemoratio Feriæ.

Lectio libri Sapiéntiæ

Eccli. 44, 16-27 et 45, 3-20

Ecce sacerdos magnus, qui in
diébus suis plácuít Deo, et in-
véntus est justus: et in témpore
iracúndiæ factus est reconciliá-
tio. Non est invéntus símilis illi,
qui conservávit legem Excélsi.
Ideo jurejurádo fecit illum Dó-
minus créscere in plebem suam.
Benedictiónem ómnium géntium
dedit illi, et testaméntum suum
confirmávit super caput ejus.
Agnóvit eum in benedictiónibus
suis: conservávit illi misericór-
diam suam: et invénit grátiam
coram óculis Dómini. Magnificá-
vit eum in conspéctu regum: et
dedit illi corónam glóriæ. Státuit
illi testaméntum ætérnum, et de-
dit illi sacerdotium magnum: et
beatificávit illum in glória. Fungi
sacerdotio, et habére laudem in
nómine ipsius, et offérre illi in-

cénsus dignum in odórem suavi-
tátis.

Graduale Eccli. 44, 16

Ecce sacerdos magnus, qui in
diébus suis plácuít Deo. **V. Ibid.,**
20 Non est invéntus símilis illi,
qui conserváret legem Excélsi.

Allelúja, allelúja. **V. Ps. 109, 4**
Tu es sacerdos in ætérnum, se-
cúndum órđinem Melchisedech.
Allelúja.

✠ Sequéntia sancti Evangélii
secúndum Matthæum

Matth. 25, 14-23

In illo témpore: Dixit Jesus dis-
cipulis suis parábolam hanc:
Homo pégre proficiscens, vo-
cávit servos suos, et trádidit illis
bona sua. Et uni dedit quinque
talénta, álii autem duo, álii vero
unum, unicuique secúndum pró-
priam virtútem, et proféctus est
statim. Abiit autem qui quinque
talénta accéperat, et operátus est
in eis, et lucrátus est ália quin-
que. Similiter et qui duo accépe-
rat, lucrátus est ália duo. Qui au-
tem unum accéperat, ábiens fodit
in terram, et abscóndit pecúniam
dómini sui. Post multum vero
témporis venit dóminus servórum
illórum, et pósuit ratióem cum
eis. Et accédens qui quinque ta-
lénta accéperat, óbtulit ália quin-
que talénta, dicens: Dómine,
quinque talénta tradidisti mihi,
ecce, ália quinque superlucrátus

sum. Ait illi dōminus ejus: Euge, serve bone et fidēlis, quia super pauca fuisti fidēlis, super multa te constituam: intra in gāudium dōmini tui. Accessit autem et qui duo talēnta accēperat, et ait: Dōmine, duo talēnta tradidisti mihi, ecce, ālia duo lucrātus sum. Ait illi dōminus ejus: Euge, serve bone et fidēlis, quia super pauca fuisti fidēlis, super multa te constituam: intra in gāudium dōmini tui.

Credo, *ratione Octavæ.*

Offertorium Ps. 88, 21-22

Invēni David servum meum, ōleo sancto meo unxi eum: manus enim mea auxiliābitur ei, et brāchium meum confortābit eum.

Secreta

Sancti tui, quāsumus, Dōmine, nos ubiq̄ue lætificent: ut, dum eōrum mērita recōlimus, patrocīnia sentiāmus. Per Dōminum.

Pro Octava

Secreta

Salutārem hōstiam, quam in sollemnitate immaculātæ Conceptionis beātæ Virginis Mariæ tibi, Dōmine, offērimus, sūscipe et præsta: ut, sicut illam tua grātia præveniēte ab omni labe immūnem profitēmur; ita ejus intercessiōne a culpis ōmnibus liberēmur. (Per Dōminum nostrum.)

Deinde Commemoratio Feriæ.

Præfatio de Octava.

Communio Luc. 12, 42

Fidēlis servus et prudens, quem constituit dōminus super familiam suam: ut det illis in tēpore tritici mensuram.

Postcommunio

Præsta, quāsumus, omnīpotens Deus: ut, de percēptis munēribus grātias exhibēntes, intercedēte beāto Hartmāno Confessore tuo atque Pontifice, beneficia potiōra sumāmus. Per Dōminum nostrum.

Pro Octava

Postcommunio

Sacramēnta quæ sūmpsimus, Dōmine, Deus noster: illius in nobis culpæ vūlnera réparent; a qua immaculātam beātæ Mariæ Conceptionem singulariter præservasti. (Per Dōminum nostrum.)

Deinde Commemoratio Feriæ.

In diœcesi Brixinensi tantum

Die 14 Decembris

(d. a. ex 13 huj.)

S. OTTILIÆ VIRGINIS

Duplex

Introitus Ps. 44, 8

DILEXISTI justitiam, et odisti iniquitatem: propiterea unxit te Deus, Deus tuus, ōleo lætitiæ præ consortibus tuis. *Ps. ibid., 2* Eructavit cor meum verbum bonum: dico ego ōpera mea Regi. *V.* Glória Patri.

Oratio

Præsta, quæsumus, omnipotens Deus: ut, beætæ Ottiliæ Virginis tuæ sollémnia recenséntes, méritis ipsius protegámur et pré-cibus. Per Dóminum nostrum.

Et fit Commemoratio Octavæ Conceptionis immaculatæ:

Oratio

Deus, qui per immaculatam Virginis Conceptionem dignum Filio tuo habitaculum præparasti: quæsumus; ut, qui ex morte ejusdem Filii tui prævisa eam ab omni labe præservasti, nos quoque mundos ejus intercessióne ad te pervenire concédas. (Per eundem Dóminum nostrum.)

Deinde Commemoratio Feriæ.

Lectio Epistolæ beáti Pauli
Apóstoli ad Corinthios

2 Cor. 10, 17-18; 11, 1-2

Fratres: Qui gloriátur, in Dómino gloriétur. Non enim qui seípsum comméndat, ille probátus est; sed quem Deus comméndat. Utinam sustinerétis módicum quid insipiéntiæ meæ, sed et supportáte me: æmulor enim vos Dei æmulatione. Despóndi enim vos uni viro virginem castam exhibére Christo.

Graduale Ps. 44, 5

Spécie tua et pulchritudine tua inténde, prospere procéde et regna. **V.** Propter veritatem, et

mansuetudinem, et justitiam: et dedúcet te mirabiliter dextera tua.

Allelúja, allelúja. **V. Ps. 44, 15 et 16** Adducéntur Regi virgines post eam: próximæ ejus afferéntur tibi in lætítia. Allelúja.

✠ Sequéntia sancti Evangélii
secúndum Matthæum

Matth. 25, 1-13

In illo témpore: Dixit Jesus discipulis suis parábolam hanc: Símile erit regnum cælórum decem virginibus: quæ, accipiéntes lám-pades suas, exiérunt óbviám sponso et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lampádibus, non sump-sérunt óleum secum: prudéntes vero accepérunt óleum in vasis suis cum lampádibus. Moram autem faciénte sponso, dormitavérunt omnes et dormiérunt. Média autem nocte clamor factus est: Ecce, sponsus venit, exite óbviám ei. Tunc surrexérunt omnes virgines illæ, et ornavérunt lám-pades suas. Fátuæ autem sapiéntibus dixérunt: Date nobis de óleo vestro: quia lám-pades nostræ exstinguúntur. Respondérunt prudéntes, dicéntes: Ne forte non suffíciat nobis et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant,

intravérunt cum eo ad nuptias, et clausa est janua. Novissime vero veniunt et reliquæ virgines, dicentes: Dómine, Dómine, áperi nobis. At ille respóndens, ait: Amen, dico vobis, nescio vos. Vigiláte itaque, quia nescitis diem neque horam.

Credo, *ratione Octavæ.*

Offertorium Ps. 44, 10

Filiæ regum in honóre tuo, ástitit regina a dextris tuis in vestitu deauráto, circúmdata varietáte.

Secreta

Accépta tibi sit, Dómine, sacráta plebis oblátio pro tuórum honóre Sanctórum: quorum se méritis de tribulatióne percepisse cognóscit auxilium. Per Dóminum nostrum.

Pro Octava Conceptionis immaculatæ

Secreta

Salutárem hóstiam, quam in sollemnitate immaculatæ Conceptionis beátæ Virginitatis Mariæ tibi, Dómine, offérimus, súscipe et præsta: ut, sicut illam tua grátia præveniéntem ab omni labe immúnem profitémur; ita ejus intercessi óne a culpis ómnibus liberémur. (Per Dóminum nostrum.)

Deinde Commemoratio Feriæ.

Præfatio de Octava.

Communio Matth. 25, 4 et 6

Quinque prudéntes virgines accepérunt óleum in vasis suis cum

lampádibus: média autem nocte clamor factus est: Ecce, sponsus venit: exite óbviam Christo Dómino.

Postcommunio

Satiásti, Dómine, familiam tuam munéribus sacris: ejus, quæsumus, semper interventióne nos réfove, cujus sollémnia celebrámus. Per Dóminum nostrum Jesum Christum, Filium tuum: Qui tecum vivit et regnat.

Pro Octava Conceptionis immaculatæ

Postcommunio

Sacraménta quæ súmpsimus, Dómine, Deus noster: illius in nobis culpæ vúlnera réparent; a qua immaculatam beátæ Mariæ Conceptionem singulariter præservásti. (Per Dóminum.)

Deinde Commemoratio Feriæ et, in Quatuor Temporibus, de ea legitur Evangelium in fine.

Die 7 Januarii

S. VALENTINI
EPISCOPI ET CONF.
COMMEMORATIO

Oratio

C

Da, quæsumus, omnipotens Deus: ut beáti Valentini Confessoris tui atque Pontificis veneránda sollémnitas, et devoti ónem nobis áugeat et salutem. Per Dóminum nostrum Jesum Christum, Filium tuum: Qui tecum vivit et regnat.

Secreta

C

Sancti tui, quæsumus, Dómine, nos ubique lætificent: ut, dum eórum mérita recólimus, patrocinia sentiámus. Per Dóminum.

Postcommunio

C

Præsta, quæsumus, omnipotens Deus: ut, de percéptis munéribus grátias exhibéntes, intercedénte beáto Valentíno Confessore tuo atque Pontífice, beneficia potióra sumámus. Per Dóminum nostrum.

Quando de S. Valentino dicenda est Missa integra, sumitur Missa Státuit, de Communi Conf. Pontificis 1 loco.

Die 15 Januarii

S. ROMEDI CONFESSORIS

Duplex

Introitus Ps. 111, 6-7

IN memória æténa erit justus: ab auditióne mala non timébit. **Ps. ibid., 1** Beátus vir, qui timet Dóminum: in mandátis ejus cupit nimis. **V.** Glória Patri.

Oratio

Omnipotens sempitérne Deus, qui beátum Romédium hujus sæculi voluptátes et divítias spérnere docuísti, eúmque in solitúdinem deduxísti: concéde, quæsumus; ut, ipsíus intervéntu terréna despiciéntes, cæléstia semper appetámus. Per Dóminum nostrum.

Et fit Commemoratio S. Pauli primi Eremitæ, Conf.:

Oratio

Deus, qui nos beáti Pauli Confessoris tui ánnua sollemnitáte lætificas: concéde propítius; ut, cujus natalicia cólimus, étiam actiões imitémur. (Per Dóminum nostrum.)

Deinde Commemoratio S. Mauri Abbatis:

Oratio

Intercéssio nos, quæsumus, Dómine, beáti Mauri Abbátis commendet: ut, quod nostris méritis non valémus, ejus patrocinio assequámur. Per Dóminum.

Léctio Epistolæ beáti Pauli Apóstoli ad Timótheum

1 Tim. 6, 6-12

Carissime: Est quæstus magnus pietas cum sufficiéntia. Nihil enim intúlimus in hunc mundum: haud dúbium quod nec auferre quid póssumus. Habéntes autem aliménta, et quibus tegámur, his conténti simus. Nam qui volunt dívites fieri, incidunt in tentatiónem, et in láqueum diaboli, et desidéria multa inutilia, et nocíva, quæ mergunt hómines in intéritum et perditiónem. Radix enim ómnium malórum est cupiditas: quam quidam appeténtes, erravérunt a fide, et inseruérunt se dolóribus multis. Tu autem, o homo Dei, hæc fuge:

sectare vero justitiam, pietatem, fidem, caritatem, patientiam, mansuetudinem. Certa bonum certamen fidei, apprehende vitam aeternam.

Graduale Ps. 91, 13-14

Justus ut palma florabit: sicut cedrus Libani multiplicabitur in domo Domini. **V.** Ad annuntiandum mane misericordiam tuam, et veritatem tuam per noctem.

Allelúja, allelúja. **V.** Romedius pauper et humilis, caelum dives ingreditur, hymnis caelestibus honoratur. Allelúja.

Post Septuagesimam, omissis Allelúja et Versu sequenti, dicitur:

Tractus Ps. 15, 7-8

Benedicam Dominum, qui tribuit mihi intellectum: providebam Deum in conspectu meo semper.

V. Jer. 17, 7 Benedictus vir, qui confidit in Domino, et erit Dominus fiducia ejus. **V.** Romedius pauper et humilis, caelum dives ingreditur, hymnis caelestibus honoratur.

✠ Sequentia sancti Evangelii secundum Matthaeum

Matth. 19, 27-29

In illo tempore: Dixit Petrus ad Jesum: Ecce, nos reliquimus omnia, et secuti sumus te: quid ergo erit nobis? Jesus autem dixit illis: Amen, dico vobis, quod vos, qui secuti estis me, in regenera-

tionem, cum sederit Filius hominis in sede majestatis suae, sedebitis et vos super sedes duodecim, iudicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, et vitam aeternam possidebit.

Offertorium Eccli. 24, 3-4

In medio populi sui exaltabitur, et in plenitudine sancta admirabitur, et in multitudinem electorum habebit laudem, et inter benedictos benedicetur.

Secreta

Oblata munera suscipe propitius, Deus: et, beato Romedio pro nobis intercedente, fac, ut amoris tui igne inflammemur. Per Dominum nostrum.

Pro S. Paulo

Secreta

Laudis tibi, Domine, hostias immolamus in tuorum commemoratione Sanctorum: quibus nos et praesentibus exui malis confidimus et futuris. (Per Dominum.)

Pro S. Mauro

Secreta

Sacris altaribus, Domine, hostias superpositas sanctus Maurus Abbas, quaesumus, in salutem nobis provenire deprecatur. Per Dominum nostrum.

Communio Eccli. 45, 2 et 5
 Similem illum fecit in glória Sanctórum, audivit enim eum, et vocem ipsius, et indúxit illum in nubem.

Postcommunio

Sacris munéribus caritátis tuæ, Dómine, cumuláti suppliciter exorámus: ut, exémplis beáti Romédii Confessóris tui fidéliter inhæréntes, ejúsdem consórtio in ætéRNA beatitúdine copulémur. Per Dóminum nostrum.

Pro S. Paulo
Postcommunio

Refécti cibo potúque cælésti, Deus noster, te súpplices exorámus: ut, in cujus hæc commemoratióne percépimus, ejus muniámur et précibus. (Per Dóminum.)

Pro S. Mauro
Postcommunio

Prótegat nos, Dómine, cum tui perceptiÓne sacraménti beátus Maurus Abbas, pro nobis intercedéndo: ut et conversatiÓnis ejus experiámur insignia, et intercessiÓnis percipiámus suffrágia. Per Dóminum nostrum.

Die 31 Januarii
 S. EUSEBII MART.
 COMMEMORATIO

Oratio

Præsta, quæsumus, omnipotens Deus: ut, intercedénte beáto Eusébio Mártyre tuo, et a cunctis

adversitatibus liberémur in corpore, et a pravis cogitatiÓnibus mundémur in mente. Per Dñm.

Secreta

Accépta sit in conspéctu tuo, Dómine, nostra devótió: et ejus nobis fiat supplicatiÓne salutáris, pro cujus sollemnitate defértur. Per Dóminum.

Postcommunio

Refécti participatiÓne muneris sacri, quæsumus, Dómine, Deus noster: ut, cujus exséquimur cultum, intercedénte beáto Eusébio Mártyre tuo, sentiámus effectum. Per Dóminum.

Quando de S. Eusebio dicenda est Missa integra, sumitur Missa Lætábitur, de Communi unius Martyris 4 loco.

Die 5 Februarii

SANCTORUM
 INGENUINI ET ALBUINI
 EPISCOPORUM ET CC.

Patronorum
 diócesis Brixinensis

Duplex I classis
 (in diócesi Brixinensi
 cum Octava communi)

Introitus

GAUDEAMUS omnes in Dómino, diem festum celebrántes, sub honóre sanctórum Confessórum, de quorum sollemnitate gaudent Ange-

li, et collaudant Filium Dei. **Ps. 32, 1** Exsultate, justi, in Domino, rectos decet collaudatio.

℣. Glória Patri.

Oratio

Deus, tuorum glória sacerdotum: præsta, quæsumus; ut, qui sanctorum Confessorum tuorum atque Pontificum Ingenuini et Albuini natalicia colimus, eorum auxilia sentiâmus. Per Dñm.

Lectio Epistolæ beati Pauli
Apóstoli ad Hebræos

Hebr. 13, 7-17

Fratres: Mementote præpositorum vestrorum, qui vobis locuti sunt verbum Dei: quorum inuentus est exitus conversationis, imitâmini fidem. Jesus Christus heri et hodie: ipse et in sæcula. Doctrinis variis et peregrinis nolite abducî. Optimum est enim grâtia stabilire cor, non escis, quæ non profuerunt ambulântibus in eis. Habemus altare, de quo edere non habent potestatem, qui tabernaculo deserviunt. Quorum enim animalium infertur sanguis pro peccato in Sancta per pontificem, horum corpora cremantur extra castra. Propter quod et Jesus, ut sanctificaret per suum sanguinem populum, extra portam passus est. Exeamus igitur ad eum extra castra, improperium ejus portantes. Non enim habemus hic manentem civitatem,

sed futuram inquirimus. Per ipsum ergo offeramus hostiam laudis semper Deo, id est fructum labiorum confitentium nomini ejus. Beneficentiæ autem et communionis nolite oblivisci: talibus enim hostiis promeretur Deus. Obcedite præpositis vestris et subjacete eis. Ipsi enim pervigilant, quasi rationem pro animabus vestris reddituri.

Graduale Ps. 131, 16-17

Sacerdotes ejus induam salutari: et sancti ejus exsultatione exsultabunt. ℣. Illuc producam cornu David: paravi lucernam Christo meo.

Allelûja, allelûja. ℣. **Eccli. 44, 14** Corpora sanctorum in pace sepulta sunt, et nomina eorum vivent in generationem et generationem. Allelûja.

PostSeptuagesimam, omissis Allelûja et Versu sequenti, dicitur

Tractus Ps. 125, 5-6

Qui seminant in lacrimis, in exsultatione metent. ℣. Eûntes ibant et flebant, mittentes semina sua. ℣. Venientes autem venient cum exsultatione, portantes manipulos suos.

✠ **Sequentia sancti Evangelii secundum Matthæum**

Matth. 25, 14-23

In illo tempore: Dixit Jesus discipulis suis parabolam hanc: Homo peregre proficiscens voca-

vit servos suos, et tradidit illis bona sua. Et uni dedit quinque talenta, alii autem duo, alii vero unum, unicuique secundum propriam virtutem, et profectus est statim. Abiit autem, qui quinque talenta acceperat, et operatus est in eis, et lucratus est alia quinque. Similiter et, qui duo acceperat, lucratus est alia duo. Qui autem unum acceperat, abiens fodit in terram, et abscondit pecuniam domini sui. Post multum vero temporis venit dominus servorum illorum, et posuit rationem cum eis. Et accedens qui quinque talenta acceperat, obtulit alia quinque talenta, dicens: Domine, quinque talenta tradidisti mihi, ecce, alia quinque superlucratus sum. Ait illi dominus ejus: Euge, serve bone et fidelis, quia super pauca fuisti fidelis, super multa te constituam: intra in gaudium domini tui. Accessit autem et qui duo talenta acceperat, et ait: Domine, duo talenta tradidisti mihi, ecce, alia duo lucratus sum. Ait illi dominus ejus: Euge, serve bone et fidelis, quia super pauca fuisti fidelis, super multa te constituam: intra in gaudium domini tui.

Credo.

Offertorium Ps. 31, 11

Lætámini in Dómino et exsultáte, justí: et gloriámini, omnes recti corde.

Secreta

Sanctorum Ingenuini et Albuini Confessorum tuorum atque Pontificum, quæsumus, Domine, annua sollémnitas pietati tuæ nos reddat acceptos: ut, per hæc piæ placationis officia, et illos beata retributio comitetur, et nobis gratiæ tuæ dona conciliet. Per Dóminum nostrum.

Communio Matth. 10, 27

Quod dico vobis in ténébris, dicite in lúmine, dicit Dóminus: et quod in aure auditis, prædicáte super tecta.

Postcommunio

Deus, fidélium remunerátor animárum: præsta; ut beatorum Ingenuini et Albuini Confessorum tuorum atque Pontificum, quorum venerándam celebrámus festivitátem, précibus eórum indulgéntiam consequámur. Per Dóminum nostrum.

In diœcesi Brixinensi tantum

Die 12 Februarii

OCTAVA
SS. INGENUINI
ET ALBUINI
EPISCOPORUM ET CC.

Duplex majus

Missa ut in Festo.

Et fit Commemoratio Ss. Septem Fundatorum Ordinis Servorum B. M. V., ut in Missali hac die.

Die 17 Februarii
S. AGATHÆ
VIRGINIS ET MART.

Duplex
(d. a. ex 5 huj.)

Missa ut in Missali die 5 Februarii.

In Administratura
Enipontana tantum

Die 15 Martii
S. CLEMENTIS MARLÆ
HOFBAUER
CONFESSORIS

Duplex

Introitus Ps. 91, 13-14

JUSTUS ut palma florébit: sicut cedrus Libani multiplicábitur: plantátus in domo Dómini: in átriis domus Dei nostri. Ps. *ibid.*, 2 Bonum est confitéri Dómino: et psállere nómini tuo, Altissime.

℣. Glória Patri.

Oratio

Deus, qui beátum Cleméntem Mariam miro fidei róbre et invictæ constántiæ virtúte decorásti: ejus méritis et exémplicis fac nos, quæsumus, ita fortes in fide et caritáte fervéntes; ut præmia consequámur æténa. Per Dóminum nostrum.

Et, in Missis non conventualibus, fit Com. Feriæ.

Léctio Epistolæ beáti Pauli
Apóstoli ad Corinthios

1 Cor. 4, 9-14


Fratres: Spectáculum facti sumus mundo et Angelis et hominibus. Nos stulti propter Christum, vos autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurimus, et sitimus, et nudí sumus, et cólaphis cædimur, et instábiles sumus, et laborámus operántes mánibus nostris: maledicimur, et benedicimus: persecutiónem pátimur, et sustinémus: blasphemámur, et obsecrámus: tamquam purgaménta hujus mundi facti sumus, ómnium peripséma usque adhuc. Non ut confúndam vos, hæc scribo, sed ut filios meos caríssimos móneo: in Christo Jesu, Dómino nostro.

Graduale Ps. 36, 30-31

Os justi meditábitur sapiéntiam, et lingua ejus loquétur iudícium. ℣. Lex Dei ejus in corde ipsius: et non supplantabúntur gressus ejus.

Tractus Ps. 111, 1-3

Beátus vir, qui timet Dóminum: in mandátis ejus cupit nimis. ℣. Potens in terra erit semen ejus: generátio rectórum benedicétur. ℣. Glória et divitíæ in domo ejus: et justítia ejus manet in sæculum sæculi.

 Sequéntia sancti Evangélii
secúndum Lucam

Luc. 12, 32-34

In illo témpore: Dixit Jesus discipulis suis: Nolite timére, pu-
sillus grex, quia complácuít Patri
vestro dare vobis regnum. Vén-
díte quæ possidétis, et date elee-
mósynam. Fácite vobis sácculos,
qui non veteráscunt, thesáurum
non deficiéntem in cælis: quo fur
non apprópiat, neque tinea cor-
rúmpit. Ubi enim thesáurus ve-
ster est, ibi et cor vestrum erit.

Offertorium Ps. 20, 2-3

In virtúte tua, Dómine, lætábitur
justus, et super salutáre tuum ex-
sultábit veheménter: desidérium
ánimæ ejus tribuísti ei.

Secreta

Ille nos, quæsumus, Dómine,
devotiónis ignis accéndat; quo
beátus Clemens María, dum sa-
lutárem offérret hóstiam, júgiter
flagrávit. Per Dóminum.

Et fit Com. Feriæ, ut supra.

Communio Matth. 19, 28-29

Amen, dico vobis: quod vos, qui
reliquistis ómnia et secúti estis
me, céntuplum accipiétis, et vi-
tam ætérnam possidébitis.

Postcommunio

Cæléstí pane reféctis concéde
nobis, omnipotens Deus: ut,
beáti Cleméntis exémplo, in for-
títudine cibi illius usque ad mon-

tem, qui Christus est, feliciter
perveniamus: Qui tecum vivit.

Et fit Com. Feriæ, ut supra; et de
ea legitur Evangelium in fine.

Sabbato ante Dominicam II
post Pascha

TRANSLATIO S. CASSIANI
EPISCOPI ET MARTYRIS

Patroni Ecclesiæ Brixinensis

Duplex I classis

Introitus Ps. 63, 3

PROTEXISTI me, Deus, a
convéntu malignántium, al-
lelúja: a multítudine operán-
tium iniquitátem, allelúja, alle-
lúja. Ps. *ibid.*, 2 Exáudi, Deus,
oratióem meam, cum déprecor:
a timóre inimici éripe ánimam
meam. *V.* Glória Patri.

Oratio

Omnipotens sempitérne Deus,
qui beátum Cassianum Pon-
tificem martýrii coróná decorásti:
concéde propítius; ut, cujus sol-
lémnia cólimus, ejus patrocínia
sentiámus. Per Dóminum.

Léctio Epistolæ beáti Pauli
Apóstoli ad Timótheum

2 Tim. 2, 8-10; 3, 10-12

Caríssime: Memor esto, Dómi-
num Jesum Christum resur-
rexisse a mórtuis ex sémine Da-
vid, secúndum Evangélium me-
um, in quo labóro usque ad vin-
cula, quasi male óperans: sed

verbum Dei non est alligatum. Ideo omnia sustineo propter electos, ut et ipsi salutem consequantur, quæ est in Christo Jesu, cum gloria cælesti. Tu autem assecutus es meam doctrinam, institutionem, propositum, fidem, longanimitatem, dilectionem, patientiam, persecutiones, passionis: quælia mihi facta sunt Antiochiæ, Iconii et Lystris: quales persecutiones sustinui, et ex omnibus eripuit me Dominus. Et omnes, qui pie volunt vivere in Christo Jesu, persecutionem patientur.

Allelúja, allelúja. **V. Ps. 88, 6**
 Confitebuntur cæli mirabilia tua, Dómine: etenim veritatem tuam in ecclesia sanctorum. Allelúja.
V. Ps. 20, 4 Posuisti, Dómine, super caput ejus coronam de lapide pretioso. Allelúja.

✠ Sequentia sancti Evangelii secundum Matthæum

Matth. 10, 23-28

In illo tempore: Dixit Jesus discipulis suis: Cum persequantur vos in civitate ista, fugite in aliam. Amen, dico vobis, non consummabitis civitates Israel, donec veniat Filius hominis. Non est discipulus super magistrum, nec servus super dominum suum. Sufficit discipulo, ut sit sicut magister ejus: et servo, sicut dominus ejus. Si patremfamilias Beel-

zebub vocaverunt: quanto magis domesticos ejus? Ne ergo timueritis eos. Nihil enim est operatum, quod non revelabitur: et occultum, quod non sciatur. Quod dico vobis in tenebris, dicite in lumine: et quod in aure auditis, predicite super tecta. Et nolite timere eos, qui occidunt corpus, animam autem non possunt occidere: sed potius timete eum, qui potest et animam et corpus perdere in gehennam.

Credo.

Offertorium Ps. 88, 6

Confitebuntur cæli mirabilia tua, Dómine: etenim veritatem tuam in ecclesia sanctorum, allelúja, allelúja.

Secreta

Munera tibi, Dómine, dicata sanctifica: et, intercedente beato Cassiano Mártire tuo atque Pontifice, per eadem nos placatus intende. Per Dóminum.

Communio Ps. 63, 11

Lætabitur justus in Dómino, et sperabit in eo: et laudabuntur omnes recti corde, allelúja, allelúja.

Postcommunio

Hæc nos communitio, Dómine, purget a crimine: et, intercedente beato Cassiano Mártire tuo atque Pontifice, cælestis remédii faciat esse consortes. Per Dóminum nostrum.

Die 19 Aprilis

S. GEROLDI CONFESSORIS

Duplex

Introitus Ps. 91, 13-14

JUSTUS ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri, allelúja, allelúja. **Ps. ibid., 2** Bonum est confitéri Dómino: et psállere nómini tuo, Altíssime.

℣. Glória Patri.

Oratio

Adésto, Dómine, supplicatióibus nostris, quas in beáti Geróldi Confessorís tui sollemnitáte deférimus: ut, qui nostræ justitiæ fidúciám non habémus, ejus, qui tibi plácuít, précibus adjuvémur. Per Dóminum.

Léctio Epístolæ beáti Pauli
Apóstoli ad Philippénes

Philipp. 3, 7-12

Fratres: Quæ mihi fuérunt lucra, hæc arbitrátus sum propter Christum detriménta. Verúm tamen exístimo ómnia detriméntum esse propter eminentem sciéntiam Jesu Christi, Dómini mei: propter quem ómnia detriméntum feci et árbitror ut stérora, ut Christum lucrifáciam, et invéníar in illo, non habens meam justítiam, quæ ex lege est, sed illam, quæ ex fide est Christi

Jesu: quæ ex Deo est justítia in fide, ad cognoscéndum illum, et virtútem resurrectionis ejus et societátem passiónum illius: confi gurátus morti ejus: si quo modo occurrám ad resurrecciónem, quæ est ex mórtuis: non quod jam ac céperim aut jam perféctus sim: sequor autem, si quo modo comprehéndam, in quo et comprehénsus sum a Christo Jesu.

Allelúja, allelúja. ℣. Ps. 111, 1 Beátus vir, qui timet Dóminum: in mandátis ejus cupit nimis. Allelúja. ℣. Osee 14, 6 Justus germinábit sicut lilium: et florébit in ætérnum ante Dóminum. Allelúja.



Sequéntia sancti Evangélii
secúndum Lucam

Luc. 19, 12-26

In illo témpore: Dixit Jesus discipulis suis parábolam hanc: Homo quidam nóbilis ábiit in regiónem longínquam accipere sibi regnum, et revérte. Vocátis autem decem servis suis, dedit eis decem mnas, et ait ad illos: Negotiámini, dum vénio. Cives autem ejus óderant eum: et misérunt legatiónem post illum, dicétes: Nólumus hunc regnáre super nos. Et factum est, ut rediret ac cépto regno: et jussit vocári ser vos, quibus dedit pecúniám, ut sciret, quantum quisque negotiátus esset. Venit autem primus, dicens: Dómine, mna tua decem

mnas acquisiuit. Et ait illi: Euge, bone serve, quia in módico fuisti fidélis, eris potestátem habens super decem civitátes. Et alter venit, dicens: Dómine, mna tua fecit quinque mnas. Et huic ait: Et tu esto super quinque civitátes. Et alter venit, dicens: Dómine, ecce mna tua, quam hábui repósitam in sudário: tímui enim te, quia homo austérus es: tollis, quod non posuisti, et metis, quod non seminásti. Dicit ei: De ore tuo te júdico, serve nequam. Sciébas, quod ego homo austérus sum, tollens, quod non pósui, et metens, quod non seminávi: et quare non dedísti pecúniam meam ad mensam, ut ego véniens cum usúris útique exegissem illam? Et astántibus dixit: Auférte ab illo mnam et date illi, qui decem mnas habet. Et dixerunt ei: Dómine, habet decem mnas. Dico autem vobis: Quia omni habénti dábitur, et abundábit: ab eo autem, qui non habet, et, quod habet, auferétur ab eo.

Offertorium Ps. 20, 2-3

In virtúte tua, Dómine, lætábitur justus, et super salutáre tuum exultábit veheménter: desidérium ánimæ ejus tribuísti ei, allelúja.

Secreta

Præsta nobis, quæsumus, omnipotens Deus: ut nostræ humilitátis oblátio, et pro tuórum tibi grata sit honóre Sanctórum, et

nos córpore páriter et mente purificet. Per Dóminum nostrum.

Communio Matth. 19, 28 et 29
Amen, dico vobis: quod vos, qui reliquistis ómnia et secúti estis me, céntuplum accipiétis, et vitam ætérnam possidébitis, allelúja.

Postcommunio

Quæsumus, omnipotens Deus: ut, qui cæléstia aliménta percépimus, intercedénte beáto Geróldo Confessóre tuo, per hæc contra ómnia advérsa muniámur. Per Dóminum nostrum.

In Administratura Ænipontana tantum

Die 20 Aprilis

S. CONRADI A PARZHAM
CONFESSORIS

Duplex

Introitus Ps. 36, 30-31

OS justi meditábitur sapiéntiam, et lingua ejus loquétur júdiciu[m]: lex Dei ejus in corde ipsius. (T. P. Allelúja, allelúja.) Ps. *ibid.*, 1 Noli æmulári in malignántibus: neque zeláveris faciéntes iniquitátem.

✠ Glória Patri.

Oratio

Deus, qui misericórdiæ tuæ jánuam fidélibus patére voluísti: te súpplices exorámus; ut, intercedénte beáto Conrado Confessóre tuo, temporália subsidia nobis tribuas et ætérna. Per Dñm.

Lectio libri Sapiéntiæ

Eccli. 31, 8-11

Beátus vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabilia in vita sua. Qui probátus est in illo, et perféctus est, erit illi glória æténa: qui pótuit transgredi, et non est transgressus: fácere mala, et non fecit: ideo stabilita sunt bona illius in Dómino, et eleemósynas illius enarrábit omnis ecclésia sanctorum.

Tempore Paschali:

Allelúja, allelúja. **V. Jac. 1, 12**
 Beátus vir, qui suffert tentationem: quóniam, cum probátus fúerit, accipiet corónam vitæ. Allelúja. **V. Eccli. 45, 9** Amávit eum Dóminus et ornávit eum: stolam glóriæ induit eum. Allelúja.

In Missis votivis extra Tempus Paschale dicitur

Graduale Ps. 91, 13 et 14

Justus ut palma florébit: sicut cedrus Libani multiplicábitur in domo Dómini. **V. Ibid., 3** Ad annuntiándum mane misericórdiam tuam, et veritátem tuam per noctem.

Allelúja, allelúja. **V. Jac. 1, 12**
 Beátus vir, qui suffert tentationem: quóniam, cum probátus

fúerit, accipiet corónam vitæ. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3

Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generatio rectórum benedicétur. **V.** Glória et divitiæ in domo ejus: et justitia ejus manet in sæculum sæculi.



Sequéntia sancti Evangélii
 secúndum Lucam

Luc. 12, 35-40

In illo témpore: Dixit Jesus discipulis suis: Sint lumbi vestri præcincti, et lucernæ ardentes in mánibus vestris, et vos similes hominibus expectántibus dóminum suum, quando revertátur a núptiis: ut, cum vénerit et pulsáverit, conféstim apérianent ei. Beáti servi illi, quos, cum vénerit dóminus, invénerit vigilántes: amen, dico vobis, quod præcinget se, et fáciat illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam, si sciret paterfamilias, qua hora fur veniret, vigiláret útique, et non síneret pèrfodí domum suam. Et vos estóte paráti, quia, qua hora non putátis, Filius hóminis véniet.

Die 1 Maji

S. JOSEPH OPIFICIS

SPONSI BEATÆ MARIÆ VIRGINIS

CONFESSORIS

Duplex I classis

Introitus Sap. 10, 17

SAPIENTIA reddidit justis mercedem laborum suorum, et deduxit illos in via mirabili, et fuit illis in velamento diēi et in luce stellarum per noctem, allelúja, allelúja. **Ps. 126, 1** Nisi Dóminus aedificáverit domum, in vanum laborant qui aedificant eam.

℣. Glória Patri.

Oratio

Rerum cónditor Deus, qui legem laboris humano géneri statuisti: concéde propítius; ut, sancti Joseph exémplo et patrocínio, ópera perficiámus quæ præcipis, et præmia consequámur quæ promittis. Per Dóminum nostrum.

Lectio Epistolæ beáti Pauli

Apóstoli ad Colossenses

Col. 3, 14-15, 17, 23-24

Fratres: Caritátem habéte, quod est vinculum perfectiónis, et pax Christi exsúltet in córdibus vestris, in qua et vocáti estis in uno corpore, et grati estóte. Omne quod-

cúmque fácitis in verbo aut in ópere, ómnia in nómine Dómini Jesu Christi, grátias ágéntes Deo et Patri per ipsum. Quodcúmque fácitis, ex ánimo operámini sicut Dómino, et non hominibus, scientes quod a Dómino accipiétis retributiónem hereditátis. Dómino Christo servíte.

Allelúja, allelúja. ℣. De quacúmque tribulatióne clamáverint ad me, exáudiam eos, et ero protéctor eorum semper. Allelúja. ℣. Fac nos innócuam, Joseph, decúrrere vitam: sitque tuo semper tuta patrocínio. Allelúja.

Extra Tempus Paschale dicitur

Graduale Ps. 127, 1-2

Beátus quicúmque times Dóminum, qui ámbulas in viis ejus. ℣. Labórem mánuum tuárum manducábis et bene tibi erit.

Allelúja, allelúja. ℣. Fac nos innócuam, Joseph, decúrrere vitam: sitque tuo semper tuta patrocínio. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3

Beátus vir qui timet Dóminum, qui mandátis ejus delectátur multum.

¶ Potens in terra erit semen ejus; generatióni rectórum benedicétur.

¶ Opes et divitiæ erunt in domo ejus, et munificéntia ejus manébit semper.

✠ Sequéntia sancti Evangélij secúndum Matthæum

Matth. 13, 54-58

In illo témpore: Véniens Jesus in pátriam suam, docébat eos in synagógis eórum, ita ut miraréntur et dicerent: „Unde huic sapiéntia hæc et virtútes? Nonne hic est fabri filius? Nonne mater ejus dicitur María, et fratres ejus Jacóbus et Joseph et Simon et Judas? Et soróres ejus nonne omnes apud nos sunt? Unde ergo huic ómnia ista?“ Et scandalizabántur in eo. Jesus autem dixit eis: „Non est prophéta sine honóre nisi in pátria sua et in domo sua“. Et non fecit ibi virtú-

tes multas propter incredulitátem illórum. Credo.

Offertorium Ps. 89, 17

Bónitas Dómini Dei nostri sit super nos, et opus mánuum nostrárum secúnda nobis, et opus mánuum nostrárum secúnda, allelúja.

Secreta

Quas tibi, Dómine, de opéribus mánuum nostrárum offérimus hóstias, sancti Joseph interposito suffrágio, pignus fácias nobis unitátis et pacis. Per Dóminum.

Præfatio de sancto Joseph Et te in Solemnitáte.

Communio Matth. 13, 54, 55

Unde huic sapiéntia hæc et virtútes? Nonne hic est fabri filius? Nonne mater ejus dicitur María? Allelúja.

Postcommunio

Hæc sancta quæ sumpsimus, Dómine: per intercessiónem beáti Joseph; et operatióne nostram cómpleant, et præmia confirmant. Per Dóminum.

APPROBATIO

Concordat cum originali approbato.

Ratisbonæ, die 16 Aprilis 1956

J. BALDAUF
Vic. gen.

Offertorium Ps. 88, 25

Véritas mea et misericórdia mea cum ipso: et in nómine meo exaltábitur cornu ejus. (T. P. Allelúja.)

Secreta

Oblatiónes nostras tibi, Dómine, quæsumus, beáti Conrádi intercessio veneránda coméndet: quem coram tuis altáribus precántem supernórum charismatum dulcédine recreásti. Per Dóminum nostrum.

Communio Matth. 24, 46-47

Beátus servus, quem, cum vénerit dóminus, invénerit vigilántem: amen, dico vobis, super ómnia bona sua constituet eum. (T. P. Allelúja.)

Postcommunio

Súmpsimus, Dómine, tua sancta, beáti Conrádi mérita recólentes: præsta, quæsumus; ut ejus semper et præcláro proficiámus exémplo et fidéli muniámur auxilio. Per Dóminum nostrum.

Die 16 Maji

S. JOANNIS NEPOMUCENI
MARTYRIS**Duplex****Introitus Eccli. 51, 30**

DEDIT mihi Dóminus linguam mercédem meam: et in ipsa laudábo eum. (T. P. Allelúja, allelúja.) Ps. 38, 2

Dixi: Custódiam vias meas, ut non delínquam in lingua mea.

✠ Glória Patri.

Oratio

Deus, qui ob invictum beáti Joánnis sacramentále siléntium nova Ecclésiám tuam mártýrii coróna decorásti: da; ut, ejus exémplo et intercessióne, ori nostro custódiam ponétes, beátis, qui lingua non sunt lapsi, annumerémur. Per Dóminum nostrum Jesum Christum, Filium tuum: Qui tecum vivit.

Et fit Com. S. Ubaldi Ep. et Conf.:

Oratio

Auxilium tuum nobis, Dómine, quæsumus, placátus impénde: et, intercessióne beáti Ubáldi Confessoris tui atque Pontificis, contra omnes diabóli nequítias déxteram super nos tuæ propitiatiónis exténde. Per Dóminum.

Lectio libri Sapiéntiæ

Eccli. 21, 26-31

Stultus a fenestra respiciet in domum: vir autem eruditus foris stabit. Stultítia hóminis auscultáre per óstium, et prudens gravábitur contumélia. Lábía imprudentium stulta narrábunt, verba autem prudentium statéra ponderabúntur. In ore fatuórum cor illórum: et in corde sapiéntium os illórum. Dum maledícit impius diabolum, maledícit ipse ánimam suam. Susúrro coinquinábit áni-

mam suam, et in ómnibus odiétur: et, qui cum eo mánserit, odiósus erit: táctus et sensátus honorábitur.

Tempore Paschali:

Allelúja, allelúja. **V. Eccli. 25, 11**
Beátus, qui lingua sua non est lapsus, et qui non servívit indignis se. Allelúja. **V. Prov. 10, 31**
Lingua pravórum períbit: lingua autem sapiéntium est sánitas. Allelúja.

**Extra Tempus Paschale dicitur
Graduale Prov. 11, 13**

Qui ámbulat fraudulénter, revélat arcána: qui autem fidélis est ánimi, celat. **V. Ps. 14, 1 et 3**
Dómine, quis habitábit in tabernáculo tuo, aut quis requiescet in monte sancto tuo? Qui non egit dolum in lingua sua: nec fecit próximo suo malum.

Allelúja, allelúja. **V. Eccli. 25, 11**
Beátus, qui lingua sua non est lapsus, et qui non servívit indignis se. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Jac. 1, 26; 3, 2 et 7-8

Si quis putat se religiósus esse, non refrénans linguam suam, sed sedúcens cor suum, hujus vana est religio. **V.** Si quis in verbo non offéndit, hic perféctus est vir. **V.** Omnis enim natúra bestiárum domántur, et dómita sunt a natú-

ra humana: linguam autem nullus hóminum domáre potest.



Sequéntia sancti Evangélii
secúndum Matthæum

Matth. 11, 2-10

In illo témpore: Cum audisset Joánes in vinculis ópera Christi, mittens duos de discipulis suis, ait illi: Tu es, qui ventúrus es, an álium expectámus? Et respóndens Jesus, ait illis: Eúntes renuntiáte Joánni, quæ audistis et vidistis. Cæci vident, claudi ámbulant, leprósi mundántur, surdi áudiunt, mórtui resúrgunt, páuperes evangelizántur: et beátus est, qui non fúerit scandalizátus in me. Illis autem abeúntibus, cœpit Jesus dicere ad turbas de Joáne: Quid existis in desértum vidére? arúndinem vento agitátam? Sed quid existis vidére? hóminem móllibus vestítum? Ecce, qui móllibus vestiúntur, in dómibus regum sunt. Sed quid existis vidére? Prophétam? Etiam dico vobis, et plus quam Prophétam. Hic est enim, de quo scriptum est: Ecce, ego mitto Angelum meum ante faciém tuam, qui præparábit viam tuam ante te.

Offertorium Eccli. 42, 1

Non dúplices sermónem de revelatióne sermónis absconditi, et eris vere sine confusióne: et invénies grátiam in conspéctu ómnium hóminum. (T. P. Allelúja.)

Die 31 Maji

BEATÆ MARIÆ VIRGINIS REGINÆ

Duplex II classis

Introitus

GAUDEAMUS omnes in Dómino, diem festum celebrantes sub honóre beátæ Mariæ Virginis Reginæ: de cujus solemnitate gaudent Angeli, et collaudant Filium Dei. (T. P. Allelúja, allelúja.) Ps. 44, 2 Efundit cor meum verbum bonum: dico ego carmen meum Regi.

℣. Glória Patri.

Oratio

Concède nobis, quæsumus, Dómine: ut, qui solemnitatem beátæ Mariæ Virginis Reginæ nostræ celebramus; ejus munitione præsidio, pacem in præsentí et glóriam in futuro consequi mereamur. Per Dóminum.

Et, in Missis privatis tantum, fit Commemoratio S. Petronillæ Virginis:

Oratio

Exáudi nos, Deus, salutáris noster: ut, sicut de beátæ Petronillæ Virginis tuæ festivitáte gaudemus; ita piæ devotiónis erudiámur afféctu. Per Dóminum nostrum.

Léctio libri Sapiéntiæ

Eccli. 24, 5, 7, 9-11, 30-31

Ego ex ore Altissimi prodívi, primogénita ante omnem creaturam; ego in altissimis habitávi, et thronus meus in columna nubis. In omni terra steti et in omni populo, et in omni gente primatum habui, et ómnium excellentium et humilium corda virtute calcavi. Qui audit me, non confundetur, et qui operantur in me, non peccabunt; qui elúcidant me, vitam ætérnam habebunt.

Allelúja, allelúja. ℣. Beáta es, Virgo María, quæ sub cruce Dómini sustinuisti. Allelúja. ℣. Nunc cum eo regnas in ætérnum. Allelúja.

Extra Tempus Paschale dicitur

Graduale Apoc. 19, 16

Ipse habet in vestiménto et in fémore suo scriptum: Rex regum, et Dóminus dominantium. ℣. Ps. 44, 10 Regina adstat ad dexteram ejus, ornata auro ex Ophir.

Allelúja, allelúja. ℣. Salve, Regina misericórdiæ, tu nos ab hoste prótege, et mortis hora súscipe. Allelúja.



Sequentia sancti Evangelii
secundum Lucam

Luc. 1, 26-33

In illo tempore: Missus est Angelus Gabriel a Deo in civitatem Galilaeae, cui nomen Nazareth, ad Virginem desponsatam viro, cui nomen erat Joseph, de domo David, et nomen Virginis Maria. Et ingressus Angelus ad eam, dixit: Ave, gratia plena: Dominus tecum: benedicta tu in mulieribus. Quae cum audisset, turbata est in sermone ejus: et cogitabat, qualis esset ista salutatio. Et ait Angelus ei: Ne timeas, Maria, invenisti enim gratiam apud Deum: ecce concipies in utero, et paries filium, et vocabis nomen ejus Jesum. Hic erit magnus, et Filius Altissimi vocabitur, et dabit illi Dominus Deus sedem David patris ejus: et regnabit in domo Jacob in aeternum, et regni ejus non erit finis. Credo.

Offertorium

Regali ex progénie Maria exorta
refulget; cujus precibus nos adjuvâri,
mente et spiritu devotissime
poscimus. (T. P. Allelûja.)

Secreta

Accipe, quaesumus, Domine,
munera laetantis Ecclesiae,
et, beatae Virginis Mariae Reginae

suffragantibus meritis, ad nostrae
salutis auxilium provenire concede.
Per Dominum nostrum.

Pro S. Petronilla

Secreta

Accepta tibi sit, Domine, sacratae
plebis oblatio pro tuorum honore
Sanctorum: quorum se meritis de
tribulatione percepisse cognoscit
auxilium. Per Dominum.

Præfatio de B. Maria Virg. Et te
in Festivitate.

Communio

Regina mundi dignissima, Maria
Virgo perpetua, intercede pro
nostra pace et salute, quae genuisti
Christum Dominum, Salvatorem
omnium. (T. P. Allelûja.)

Postcommunio

Celebratis solemnibus, Domine,
quae pro sanctae Mariae, Re-
ginae nostrae, festivitate peré-
gimus: ejus, quaesumus, nobis inter-
cessione fiant salutaria; in
cujus honore sunt exultanter impléta.
Per Dominum nostrum.

Pro S. Petronilla

Postcommunio

Satiasti, Domine, familiam tuam
muneribus sacris: ejus, quaesu-
mus, semper interventione nos
refove, cujus solennia celebra-
mus. Per Dominum nostrum.

Approbatio. Concordat cum originali approbato.
Ratisbonae, die 5 Augusti 1955 v. n. Joseph Meindl

Secreta

Hæc tua, Dómine, sacra mysteria illum in nobis, quæsumus, ignem accendant: quo inclitus Martyr et Sacerdos tuus Joannes, ea peragendo, flagrabat. Per Dóminum nostrum.

Pro S. Ubaldo**Secreta**

Sancti tui, quæsumus, Dómine, nos ubique lætificent: ut, dum eorum mérita recólimus, patrocínia sentiámus. Per Dóminum.

Communio Is. 6, 6-7

Volávit ad me unus de Séraphim: et in manu ejus cálculus, quem túlerat de altári, et tétigit os meum. (T. P. Allelúja.)

Postcommunio

Fragilitátem nostram, Dómine, cæléstis hæc mensa fórtium pane confirmet: qui beáti Mártyris et Sacerdotis tui Joánnis tentátam contra honórem sacraménti constántiam, júgiter áluit ad victóriam. Per Dóminum.

Pro S. Ubaldo**Postcommunio**

Præsta, quæsumus, omnipotens Deus: ut, de percéptis munéribus grátias exhibéntes, intercedénte beáto Ubáldo Confessóre tuo atque Pontífice, beneficia potióra sumámus. Per Dóminum nostrum Jesum Christum, Filium tuum: Qui tecum vivit.

**In Administratura
Enipontana tantum**

Die 27 Junii

S. HEMMÆ VIDUÆ

Duplex**Introitus Ps. 15, 8-9**

PROVIDEBAM Dóminum in conspéctu meo semper: quóniam a dextris est mihi, ne commóvear. Propter hoc lætátum est cor meum, et exsultávit lingua mea: insuper et caro mea requiêscet in spe. **Ps. ibid., 1-2** Consérva me, Dómine, quóniam sperávi in te. Dixi Dómino: Deus meus es tu, quóniam bonórum meórum non eges. **V. Glória Patri.**

Oratio

Da, quæsumus, Dómine, fídelibus tuis hunc caritátis affectum: ut, sanctæ Hemmæ celebritáte fervéntes, nullis implicéntur erróribus, nullis adversitátibus affligántur; sed salutáribus proficiant institútis, discant mundi contéptum, vitalibusque præsiidiis adjuvéntur. Per Dóminum.

Et fit Commemoratio Octavæ S. Joannis Baptistæ:

Oratio

Deus, qui præsentem diem honorabilem nobis in beáti Joánnis nativitate fecisti: da pópulis tuis spirituálium grátiam gaudiórum; et ómnium fídelium mentes dirige in viam salutis ætérnæ. (Per Dóminum nostrum.)

Deinde, si hodie fuerit Sabbatum, Commemoratio Vigilæ Ss. Apostolorum Petri et Pauli, ut in Missali hac die.

Lectio Epistolæ beati Pauli
Apóstoli ad Timótheum

1 Tim. 5, 3-10

Carissime: Viduas honóra, quæ vere viduæ sunt. Si qua autem vidua filios aut nepótes habet, discat primum domum suam régere, et mútuam vicem reddere paréntibus: hoc enim accéptum est coram Deo. Quæ autem vere vidua est et desoláta, speret in Deum, et instet obsecratióibus et oratióibus nocte ac die. Nam quæ in deliciis est, vivens mórtua est. Et hoc præcipe, ut ir-reprehensibiles sint. Si quis autem suórum, et máxime domesticórum curam non habet, fidem negávit, et est infidéli detérior. Vidua eligátur non minus sexaginta annórum, quæ fúerit unius viri uxor, in opéribus bonis testimoniónum habens, si filios educávit, si hospitio recépit, si sanctórum pedes lavit, si tribulatióem patiéntibus ministrávit, si omne opus bonum subsecúta est.

Graduale Ps. 44, 3 et 5

Diffúsa est grátia in lábiis tuis: proptérea benedixit te Deus in ætérnum. **V.** Propter veritátem et mansuetúdinem et justítiam: et dedúcet te mirabiliter dextera tua.

Allelúja, allelúja. **V.** Ibid., 5 Spécie tua et pulchritúdine tua inténde, prospere procéde et regna. Allelúja.

✠ Sequéntia sancti Evangélii
secúndum Matthæum

Matth. 19, 16-26

In illo témpore: Accédens unus ad Jesum, ait illi: Magíster bone, quid boni fáciam, ut hábeam vitam ætérnam? Qui dixit ei: Quid me intérrogas de bono? Unus est bonus, Deus. Si autem vis ad vitam ingredi, serva mandáta. Dicit illi: Quæ? Jesus autem dixit: Non homicídium fácies: Non adulterábis: Non fácies furtum: Non falsum testimoniónum dices: Honóra patrem tuum et matrem tuam, et diliges próximum tuum sicut te ipsum. Dicit illi aduléscens: Omnia hæc custodívi a juventúte mea: quid adhuc mihi deest? Ait illi Jesus: Si vis perfectus esse, vade, vende, quæ habes, et da paupéribus, et habébis thesáurum in cælo: et veni, séquere me. Cum audisset autem aduléscens verbum, ábiit tristis: erat enim habens multas possessiões. Jesus autem dixit discipulis suis: Amen, dico vobis, quia dives difícilé intrábit in regnum cælórum. Et iterum dico vobis: Facílius est camélum per forámen acus transíre, quam dívitem intráre in regnum cælórum. Audítis autem his, discipuli mira-

bántur valde, dicéntes: Quis ergo póterit salvus esse? Aspiciens autem Jesus, dixit illis: Apud hómines hoc impossibile est, apud Deum autem ómnia possible sunt.

Offertorium Ps. 15, 6

Funes cecidérunt mihi in præcláris: étenim heréditas mea præclára est mihi.

Secreta

Ascéndant ad te, Dómine, preces nostræ, et tuórum vota fidélium múnera suppliciter obláta concilient, quod, etiámsi nostris opéribus non merémur, sanctæ Hemmæ, quæsumus, intercessióne mereámur. Per Dñm.

Pro Octava S. Joannis

Secreta

Tua, Dómine, munéribus altária cumulámus: illius nativitátem honóre débito celebrántes, qui Salvatórem mundi et cécinit adfutúrum et adesse monstrávit, Dóminum nostrum Jesum Christum, Filium tuum. (Qui tecum.)

Communio Ps. 15, 11

Notas mihi fecísti vias vitæ, adimplébis me lætítia cum vultu tuo: delectatiónes in dextera tua usque in finem.

Postcommunio

Quæsumus, virtútum cælestium Deus: ut sacrificia pro sanctæ Hemmæ sollemnitate obláta; desideriórum nos temporá-

lium dóceant habére contéptum, et ambire dona faciánt cælestium gaudiórum. Per Dóminum.

Pro Octava S. Joannis

Postcommunio

Sumat Ecclésia tua, Deus, beáti Joánnis Baptistæ generatióne lætítiam: per quem suæ regeneratiónis cognóvit auctórem, Dóminum nostrum Jesum Christum, Filium tuum. (Qui tecum.)

Si hodie fuerit Sabbatum, in fine legitur Evangelium Vigilæ Ss. App. Petri et Pauli, ut in Missali.

**In Administratura
Ænipontana tantum**

Sabbato

ante Dominicam I Julii

**IN SOLLEMNITATE
TRANSLATIONIS
IMAGINIS B. MARLÆ VIRG.**

sub título

Auxilium Christianorum

**Duplex I classis
cum Octava communi**

Introitus Ps. 44, 13, 15 et 16

VULTUM tuum deprecabúntur omnes divites plebis: adducéntur Regi Virgines post eam: próximæ ejus adducéntur tibi in lætítia et exsultatióne. **Ps. ibid., 2** Eructávit cor meum verbum bonum: dico ego ópera mea Regi.
V. Glória Patri.

Oratio

Omnipotens et miséricors Deus, qui ad defensionem populi christiáni in beatissima Virgine Maria perpétuum auxilium mirabiliter constituisti: concède propitius; ut, tali præsidio muniti certantes in vita, victóriam de hoste maligno cónsequi valeámus in morte. Per Dóminum nostrum Jesum Christum, Filium tuum: Qui tecum vivit et regnat.

Lectio libri Judith

Jud. 13, 22-25

Benedixit te Dóminus in virtúte sua, quia per te ad nihilum redégit inimicos nostros. Benedicta es tu, filia, a Dómino Deo excéso, præ ómnibus muliéribus super terram. Benedictus Dóminus, qui creávit cælum et terram, quia hódie nomen tuum ita magnificávit, ut non recédat laus tua de ore hóminum, qui mémoires fúerint virtútis Dómini in ætérnum, pro quibus non pepercisti animæ tuæ, propter angústias et tribulatió-nem géneris tui, sed subvenisti ruínæ ante conspéctum Dei nostri.

Graduale

Benedicta et venerábilis es, Virgo María: quæ sine tactu pudóris invénta es Mater Salvatóris. **V.** Virgo Dei Génatrix, quem totus non capit orbis, in tua se clausit viscera, factus homo.

Allelúja, allelúja. **V.** Felix es, sacra Virgo María, et omni laude digníssima: quia ex te ortus est sol justitiæ, Christus, Deus noster. Allelúja.



Sequéntia sancti Evangélii
secúndum Lucam

Luc. 1, 26-38 **P**

In illo témpore: Missus est Angelus Gábriel a Deo in civitátem Galilææ, cui nomen Názareth, ad Virginem desponsátam viro, cui nomen erat Joseph, de domo David, et nomen Virginis María. Et ingressus Angelus ad eam, dixit: Ave, grátia plena; Dóminus tecum: benedicta tu in muliéribus. Quæ cum audisset, turbáta est in sermóne ejus: et cogitábat, qualis esset ista salutátio. Et ait Angelus ei: Ne timeas, María, invenisti enim grátiam apud Deum: ecce, concípies in útero, et páries filium, et vocábis nomen ejus Jesum. Hic erit magnus, et Filius Altissimi vocábitur, et dabit illi Dóminus Deus sedem David, patris ejus: et regnabit in domo Jacob in ætérnum, et regni ejus non erit finis. Dixit autem María ad Angelum: Quómodo fiet istud, quóniam virum non cognóscó? Et respóndens Angelus, dixit ei: Spíritus Sanctus supervéniet in te, et virtus Altissimi obumbrábit tibi. Ideóque et quod nascétur ex te Sanctum, vocábitur Filius Dei.

Et ecce, Elisabeth, cognata tua, et ipsa concépit filium in senectúte sua: et hic mensis sextus est illi, quæ vocátur stérilis: quia non erit impossibile apud Deum omne verbum. Dixit autem María: Ecce ancilla Dómini, fiat mihi secundum verbum tuum.

Credo, *per totam Octavam.*

Offertorium Jer. 18, 20

Recordáre, Virgo, Mater Dei, dum stéteris in conspéctu Dómini, ut loquáris pro nobis bona, et ut avértat indignatióem suam a nobis.

Secreta

Múnera nostra, Dómine, apud cleméntiam tuam Dei Genetrícis comméndet orátio: quam idcirco de præsénti sáculo translulisti, ut pro peccátis nostris apud te fiduciáliter intercédát. Per eúndem Dóminum.

Præfatio de B. Maria Virg. Et te in Festivitate: *quæ dicitur per totam Octavam in omnibus Missis, quæ aliam Præfationem non exigant, juxta Rubricas.*

Communio Jud. 15, 10

Tu glória Jerúsalem, tu lætítia Israel, tu honorificéntia pópuli nostri.

Postcommunio

Adésto, Dómine, pópulis, qui participatióne Córporis et Sánguinis tui reficiúntur; ut, sanctíssima tua Genetrice auxi-

liánte, ab omni malo et periculo liberéntur, et in omni ópere bono custodiántur: Qui vivis.

*In Administratura
Cenipontana tantum*

Sabbato ante Dominicam II Julii
OCTAVA TRANSLATIONIS
IMAGINIS B. M. V.

sub título
Auxilium Christianorum

Duplex majus

Missa ut in Festo 21.

*In Administratura
Cenipontana tantum*

Die 4 Julii

S. UDALRICI
EPISCOPI ET CONF.

Duplex

Introitus Eccli. 45, 30

STATUIT ei Dóminus testaméntum pacis, et principem fecit eum: ut sit illi sacerdotii dignitas in ætérnum. *Ps. 131, 1* Meménto, Dómine, David: et omnis mansuetúdinis ejus.

V. Glória Patri.

Oratio

Deus, qui cónspicis, quia ex nulla nostra virtúte subsistimus: concéde propítius; ut, intercessiόne beáti Udalrici Confessoris tui atque Pontificis, contra ómnia advérsa muniámur. Per Dóminum nostrum.

Et fit Commemoratio Octavæ Ss.
Petri et Pauli Apostolorum:

Oratio

Deus, qui hodiernam diem Apostolorum tuorum Petri et Pauli martyrio consecrasti: da Ecclesiæ tuæ, eorum in omnibus sequi præceptum; per quos religionis sumpsit exordium. Per Dominum nostrum.

Lectio libri Sapientiæ

Eccli. 44, 16-27; 45, 3-20

Ecce sacerdos magnus, qui in diebus suis placuit Deo, et inventus est justus: et in tempore iracundiæ factus est reconciliatio. Non est inventus similis illi, qui conservavit legem Excelsi. Ideo jurejurando fecit illum Dominus crescere in plebem suam. Benedictionem omnium gentium dedit illi, et testamentum suum confirmavit super caput ejus. Agnovit eum in benedictionibus suis: conservavit illi misericordiam suam: et invenit gratiam coram oculis Domini. Magnificavit eum in conspectu regum: et dedit illi coronam gloriæ. Statuit illi testamentum æternum, et dedit illi sacerdotium magnum: et beatificavit illum in gloria. Fungi sacerdotio, et habere laudem in nomine ipsius, et offerre illi incensum dignum in odorem suavitatis.

Graduale Eccli. 44, 16

Ecce sacerdos magnus, qui in diebus suis placuit Deo. **V. Ibid., 20** Non est inventus similis illi, qui conservaret legem Excelsi.

Allelúja, allelúja. **V. Ps. 109, 4** Tu es sacerdos in æternum, secundum ordinem Melchisedech. Allelúja.

✠ Sequentia sancti Evangelii secundum Matthæum

Matth. 25, 14-23

In illo tempore: Dixit Jesus discipulis suis parabulam hanc: Homo peregre proficiscens vocavit servos suos, et tradidit illis bona sua. Et uni dedit quinque talenta, alii autem duo, alii vero unum, unicuique secundum propriam virtutem, et profectus est statim. Abiit autem, qui quinque talenta acceperat, et operatus est in eis, et lucratus est alia quinque. Similiter et, qui duo acceperat, lucratus est alia duo. Qui autem unum acceperat, abiens fodit in terram, et abscondit pecuniam domini sui. Post multum vero temporis venit dominus servorum illorum, et posuit rationem cum eis. Et accedens qui quinque talenta acceperat, obtulit alia quinque talenta, dicens: Domine, quinque talenta tradidisti mihi, ecce, alia quinque superlucratus sum. Ait illi dominus ejus: Euge, serve bone et fidelis, quia super pauca

fuisti fidélis, super multa te constitúam: intra in gáudium dómini tui. Accessit autem et qui duo talénta accéperat, et ait: Dómine, duo talénta tradidisti mihi, ecce, ália duo lucrátus sum. Ait illi dóminus ejus: Euge, serve bone et fidélis, quia super pauca fuisti fidélis, super multa te constitúam: intra in gáudium dómini tui.

Credo, *ratione Octavæ.*

Offertorium Ps. 88, 21-22

Invéni David servum meum, óleo sancto meo unxi eum: manus enim mea auxiliábitur ei, et brá-
chium meum confortábit eum.

Secreta

Sancti tui, quæsumus, Dómine, nos ubique lætificent: ut, dum eórum mérita recólimus, patrocínia sentiámus. Per Dóminum nostrum Jesum Christum, Filium tuum: Qui tecum vivit.

Pro Octava Ss. Apostolorum

Secreta

Hóstias, Dómine, quas nómini tuo sacrándas offérimus, apostó-
lica prosequátur orátio: per quam nos expiári tríbuas et de-
féndi. Per Dóminum nostrum.

Præfatio de Octava.

Communio Luc. 12, 42

Fidélis servus et prudens, quem constitúit dóminus super famí-
liam suam: ut det illis in témpore
trítici mensúram.

Postcommunio

Præsta, quæsumus, omnipotens Deus: ut, de percéptis muné-
ribus grátias exhibéntes, inter-
cedénte beáto Udalrico Confes-
sóre tuo atque Pontífice, benefi-
cia potióra sumámus. Per Dómi-
num nostrum Jesum Christum,
Filium tuum: Qui tecum vivit et
regnat in unitáte Spíritus Sancti
Deus.

Pro Octava Ss. Apostolorum

Postcommunio

Quos cælésti, Dómine, aliménto
satiásti: apostólicis intercessióni-
bus ab omni adversitáte custódi.
Per Dóminum nostrum Jesum
Christum, Filium tuum: Qui te-
cum vivit et regnat.

In civitate Brixinensi tantum

Die 24 Julii

S. CHRISTINÆ
VIRGINIS ET MART.

Duplex

Introitus Ps. 118, 95-96

ME exspectavérunt pecca-
tóres, ut pérderent me:
testimónia tua, Dómine,
intelléxi: omnis consummationis
vidi finem: latum mandátum tu-
um nimis. **Ps. ibid., 1** Beáti im-
maculáti in via: qui ámbulant in
lege Dómini.

℣. Glória Patri.

Oratio

Indulgéntiam nobis, quæsumus, Dómine, beáta Christína Virgo et Martyr implóret: quæ tibi grata semper éxstitit, et mérito castitátis, et tuæ professióne virtútis. Per Dóminum nostrum.

Et fit Commemoratio Vigilæ S. Jacobi:

Oratio

Da, quæsumus, omnipotens Deus: ut beáti Jacóbi Apóstoli tui, quam prævenimus, veneránda sollémnitas, et devotióne nobis áugeat et salútem. Per Dóminum nostrum.

Léctio libri Sapiéntiæ

Eccli. 51, 13-17

Dómine, Deus meus, exaltásti super terram habitatióne meam, et pro morte defluente deprecáta sum. Invocávi Dóminum, Patrem Dómini mei, ut non derelinquat me in die tribulatiónis meæ, et in témpore superbórum sine adjutório. Laudábo nomen tuum assidue, et collaudábo illud in confessióne, et exaudíta est orátio mea. Et liberásti me de perditióne, et eripuisti me de témpore iniquo. Proptérea confitebor et laudem dicam tibi, Dómine, Deus noster.

Graduale Ps. 45, 6 et 5

Adjuvábít eam Deus vultu suo: Deus in médio ejus, non commovébitur. **V.** Flúminis impetus læ-

tificat civitátem Dei: sanctificávit tabernáculum suum Altissimus.

Allelúja, allelúja. **V.** Hæc est Virgo sápiens, et una de número prudentum. Allelúja.



Sequéntia sancti Evangélii secundum Matthæum

Matth. 25, 1-13

In illo témpore: Dixit Jesus discipulis suis parábolam hanc: Simile erit regnum cælórum decem virginibus: quæ, accipiéntes lámpades suas, exiérunt óbviám sponso et sponsæ. Quinque autem ex eis erant fátuæ, et quinque prudentes: sed quinque fátuæ, accéptis lampádibus, non sumpserunt óleum secum: prudentes vero accepérunt óleum in vasis suis cum lampádibus. Moram autem faciénte sponso, dormitavérunt omnes et dormiérunt. Média autem nocte clamor factus est: Ecce, sponsus venit, exite óbviám ei. Tunc surrexérunt omnes virgines illæ, et ornavérunt lámpades suas. Fátuæ autem sapiéntibus dixérunt: Date nobis de óleo vestro: quia lámpades nostræ exstinguúntur. Respondérunt prudentes, dicéntes: Ne forte non sufficiat nobis et vobis, ite pótius ad vendétes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est jánuá. Novissime vero

véniant et réliquæ vírgines, dicentes: Dómine, Dómine, áperi nobis. At ille respóndens, ait: Amen, dico vobis, nescio vos. Vigiláte itaque, quia nescítis diem neque horam.

In Cathedrali dicitur Credo.

Offertorium Ps. 44, 3

Diffúsa est grátia in lábiis tuis: proptérea benedíxit te Deus in ætérnum, et in sæculum sæculi.

Secreta

Hóstias tibi, Dómine, beátæ Christinæ Vírginis et Mártiris tuæ dicátas méritis, benignus assúme: et ad perpétuum nobis tríbue provenire subsidium. Per Dóminum nostrum Jesum Christum, Filium tuum: Qui tecum.

Pro Vigilia S. Jacobi

Secreta

Apostólici reveréntia cúlminis offeréntes tibi sacra mystéria, Dómine, quæsumus: ut beáti Jacóbi Apóstoli tui suffrágiis, cujus natalícia prævenimus; plebs tua semper et sua vota deprómat, et desideráta percipiat. Per Dóminum nostrum.

Communio

Ps. 118, 121, 122 et 128

Feci iudicium et justítiam, Dómine, non calumniéntur mihi supérbi: ad ómnia mandáta tua dirigébar, omnem viam iniquitátis ódio hábui.

Postcommunio

Divini múnemis largitáte satiáti, quæsumus, Dómine, Deus noster: ut, intercedénte beáta Christina Vírgine et Mártire tua, in ejus semper participatióne vivámus. Per Dóminum.

Pro Vigilia S. Jacobi

Postcommunio

Sancti Apóstoli tui Jacóbi, quæsumus, Dómine, supplicatióne placátus: et véniam nobis tríbue, et remédia sempitérna concéde. Per Dóminum nostrum.

In fine legitur sequens Evangelium Vigiliæ:

† Sequéntia sancti Evangélli secúndum Joánnem

Joann. 15, 12-16

In illo témpore: Dixit Jesus discípulis suis: Hoc est præcéptum meum, ut diligátis invicem, sicut diléxi vos. Majórem hac dilectiónem nemo habet, ut ánimam suam ponat quis pro amicis suis. Vos amici mei estis, si fecéritis, quæ ego præcípio vobis. Jam non dicam vos servos: quia servus nescit, quid fáciat dóminus ejus. Vos autem dixi amicos: quia ómnia, quæcúmque audivi a Patre meo, nota feci vobis. Non vos me elegistis: sed ego elégi vos, et pósui vos, ut eátis, et fructum afferátis: et fructus vester máneat: ut, quodcúmque petiéritis Patrem in nómine meo, det vobis.

In diœcesi Brixinensi tantum

Die 27 Julii

S. LUCANI
EPISCOPI ET CONF.
COMMEMORATIO

Oratio C

Da, quæsumus, omnipotens Deus: ut beāti Lucāni Confessoris tui atque Pontificis venerānda sollēmnnitas, et devotiōnem nobis augeat et salutem. Per Dōminum nostrum Jesum Christum, Filium tuum: Qui tecum vivit et regnat.

Secreta C

Sancti tui, quæsumus, Dōmine, nos ubique lætificent: ut, dum eōrum mērita recōlimus, patrocinia sentiāmus. Per Dōminum nostrum Jesum Christum, Filium tuum: Qui tecum vivit et regnat in unitate Spiritus Sancti.

Postcommunio C

Præsta, quæsumus, omnipotens Deus: ut, de percēptis muneribus grātias exhibēntes, intercedēte beāto Lucāno Confessore tuo atque Pontifice, beneficia potiōra sumāmus. Per Dōminum nostrum Jesum Christum, Filium tuum: Qui tecum vivit et regnat in unitate Spiritus Sancti.

Quando de S. Lucano dicenda est
Missa integra, sumitur Missa Stā-
tuit, de Communi Conf. Pontificis
1 loco.

In diœcesi Brixinensi tantum

Die 13 Augusti

S. CASSIANI
EPISCOPI ET MART.
Patroni Ecclesiæ Brixinensis

Duplex majus

Introitus Dan. 3, 84 et 87

SACERDOTES Dei, benedicite Dōminum: sancti et hūmiles corde, laudate Deum. *Ibid.*, 57 Benedicite, omnia opera Dōmini, Dōmino: laudate et superexaltate eum in sæcula.
V. Glória Patri.

Oratio

Deus, qui nos beāti Cassiāni Mārtyris tui atque Pontificis annua sollempnitate lætificas: concede propitius; ut, cujus natalicia cōlimus, de ejūdem etiā protectione gaudeāmus. Per Dōminum nostrum.

Et fit Commemoratio S. Hippolyti Mart.:

Oratio

Da, quæsumus, omnipotens Deus: ut beāti Mārtyris tui Hippolyti venerānda sollēmnnitas, et devotiōnem nobis augeat et salutem. Per Dōminum nostrum.

Lectio Epistolæ beāti Pauli
Apóstoli ad Corinthios

1 Cor. 4, 9-16

Fratres: Puto quod Deus nos Apóstolos novissimos ostēdit, tamquam morti destinātos:

quia spectáculum facti sumus mundo et Angelis et homínibus. Nos stulti propter Christum, vos autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurimus, et sitimus, et nudí sumus, et cólaphis cædimur, et instábiles sumus, et laborámus operántes má nibus nostris: maledícimur, et benedicimus: persecutió nem pátimur, et sustinémus: blasphemámur, et obsecrámus: tamquam purgamenta hujus mundi facti sumus, ómnium peripséma usque adhuc. Non ut confúndam vos, hæc scribo, sed ut filios meos carissimos móneo. Nam si decem milia pædagogórum habeátis in Christo: sed non multos patres. Nam in Christo Jesu per Evángélium ego vos genui.

Graduale Ps. 8, 6-7

Glória et honóre coronásti eum.

¶ Et constituísti eum super ópera mánuum tuárum, Dómine.

Allelúja, allelúja. ¶ Hic est sacerdos, quem coronávit Dóminus. Allelúja.

✠ Sequéntia sancti Evángelii secúndum Matthæum

Matth. 10, 23-28

In illo témpore: Dixit Jesus discipulis suis: Cum persequéntur vos in civitáte ista, fúgite in áliam. Amen, dico vobis, non consum-

mábitis civitátes Israel, donec véniat Filius hóminis. Non est discipulus super magistrum, nec servus super dómínium suum. Súfficit discipulo, ut sit sicut magister ejus: et servo, sicut dómínus ejus. Si patremfamilias Beélzebub vocavérunt, quanto magis domésticos ejus? Ne ergo timuéritis eos. Nihil enim est opértum, quod non revelábitur, et occúltum, quod non sciétur. Quod dico vobis in ténebris, dicite in lúmine: et, quod in aure audítis, prædicáte super tecta. Et nolíte timére eos, qui occidunt corpus, ánimam autem non possunt occidere: sed pótius timéte eum, qui potest et ánimam et corpus pérdere in gehénnam. Credo.

Offertorium Ps. 88, 21-22

Invéni David servum meum, óleo sancto meo unxi eum: manus enim mea auxiliábitur ei, et bráechium meum confortábit eum.

Secreta

Múnere tibi, Dómine, dicáta sanctífica: et, intercedénte beáto Cassiáno Mártire tuo atque Pontífice, per éadem nos placátus inténde. Per Dóminum.

Pro S. Hippolyto

Secreta

Réspice, Dómine, múnere pópuli tui, Sanctórum festivitáte votíva: et tuæ testificátió veritátis nobis proficiat ad salútem. Per Dñm.

Communio Ps. 20, 4

Posuisti, Dómine, in cápite ejus corónam de lápide pretiósio.

Postcommunio

Hæc nos commúnio, Dómine, purget a crimine: et, intercedente beáto Cassiáno Mártire tuo atque Pontifice, cæléstis remédii fáciat esse consórtes. Per Dóminum nostrum Jesum Christum, Fílium tuum: Qui tecum.

Pro S. Hippolyto

Postcommunio

Sacramentórum tuórum, Dómine, commúnio sumpta nos salvet, et in tuæ veritátis luce confirmet. Per Dóminum nostrum.

Die 27 Augusti

S. GEBHARDI
EPISCOPI ET CONF.

Duplex

Introitus Ps. 131, 9-10

SACERDOTES tui, Dómine, induant justítiam, et sancti tui exsúltent: propter David servum tuum, non avértas fáciem Christi tui. *Ps. ib., 1* Meménto, Dómine, David: et omnis mansuetúdinis ejus.

℣. Glória Patri.

Oratio

Exáudi, quæsumus, Dómine, preces nostras, quas in beáti Gebhárdi Confessóris tui atque Pontificis sollempnitáte deférimus:

et, qui tibi digne méruit famulári, ejus intercedéntibus méritis, ab ómnibus nos absólve peccátis. Per Dóminum nostrum Jesum Christum, Fílium tuum: Qui tecum vivit et regnat.

Et fit Commemoratio S. Josephi Calasancii Conf.:

Oratio

Deus, qui per sanctum Joséphum Confessórem tuum, ad erudiéndam spírítu intellegéntiæ ac pietátis juventútem, novum Ecclésiæ tuæ subsidium providére dignátus es: præsta, quæsumus; nos, ejus exémplo et intercessióne, ita fácere et docére, ut præmia consequámur æténa. Per Dóminum nostrum Jesum Christum, Fílium tuum: Qui tecum.

Léctio libri Sapiéntiæ

Eccli. 45, 1-6

Diléctus Deo et homínibus, cuius memória in benedictióne est. Similem illum fecit in glória sanctórum, et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitáte ipsius sanctum fecit illum, et elégit eum ex omni carne. Audívit enim eum et vocem ipsius, et indúxit illum in nubem. Et dedit illi coram præcépta, et legem vitæ et disciplinæ.

Graduale Ps. 131, 16-17

Sacerdotes ejus induam salutari: et sancti ejus exultatione exultabunt. **V.** Illuc producam cornu David: paravi lucernam Christo meo.

Allelúja, allelúja. **V. Ps. 109, 4** Juravit Dominus, et non pœnitēbit eum: Tu es sacerdos in ætēnum, secūndum ordinem Melchisedech. Allelúja.

✠ Sequētia sancti Evangēlii secūndum Matthæum

Matth. 24, 42-47

In illo tēpore: Dixit Jesus discipulis suis: Vigilāte, quia nescitis, qua hora Dominus vester ventūrus sit. Illud autem scitōte, quoniam, si sciret paterfamilias, qua hora fur ventūrus esset, vigilāret utique, et non sīneret pērfodi domum suam. Ideo et vos estōte parāti: quia qua nescitis hora Filius hōminis ventūrus est. Quis, putas, est fidēlis servus et prudens, quem constituit dōminus suus super familiam suam, ut det illis cibum in tēpore? Beātus ille servus, quem, cum vēnerit dōminus ejus, invēnerit sic faciētem. Amen, dico vobis, quoniam super omnia bona sua constituet eum.

Offertorium Ps. 88, 25

Vēritas mea et misericōrdia mea cum ipso: et in nōmine meo exaltabitur cornu ejus.

Secreta

Sancti Gebhārdi Confessōris tui atque Pontificis, quæsumus, Dōmine, ānnua sollēmnitas pietāti tuæ nos reddat accēptos: ut, per hęc piæ placatiōnis officia, et illum beāta retribūtio comitētur, et nobis grātiæ tuæ dona conciliet. Per Dōminum nostrum.

Pro S. Josepho Calasanctio

Secreta

Altāre tuum, Dōmine, munēribus cumulāmus oblātis: ut ejus nobis fiant supplicatiōne propītia, cujus nos donāsti patrociniō adjuvāri. Per Dōminum nostrum.

Communio Matth. 24, 46-47

Beātus servus, quem, cum vēnerit dōminus, invēnerit vigilāntem: amen dico vobis, super omnia bona sua constituet eum.

Postcommunio

Deus, fidēlium remunerātor animārum: præsta; ut beāti Gebhārdi Confessōris tui atque Pontificis, cujus venerādam celebrāmus festivitātem, precibus indulgēntiam consequāmur. Per Dōminum nostrum.

Pro S. Josepho Calasanctio

Postcommunio

Sanctificāti, Dōmine, salutāri mystērio: quæsumus; ut, intercedēte sancto Josēpho Confessōre tuo, ad majus semper proficiāmus pietātis incremētum. Per Dōminum nostrum.

Communio Ps. 20, 4

Posuisti, Dómine, in cápite ejus coronam de lápide pretiósio.

Postcommunio

Hæc nos commúnio, Dómine, purget a crimine: et, intercedente beáto Cassiáno Mártire tuo atque Pontífice, cæléstis remédii fáciat esse consórtes. Per Dóminum nostrum Jesum Christum, Filium tuum: Qui tecum.

Pro S. Hippolyto

Postcommunio

Sacramentórum tuórum, Dómine, commúnio sumpta nos salvet, et in tuæ veritátis luce confirmet. Per Dóminum nostrum.

Die 27 Augusti

S. GEBHARDI
EPISCOPI ET CONF.

Duplex

Introitus Ps. 131, 9-10

SACERDOTES tui, Dómine, induant justítiam, et sancti tui exsúltent: propter David servum tuum, non avértas fáciem Christi tui. **Ps. ib., 1** Meménto, Dómine, David: et omnis mansuetúdinis ejus.

℣. Glória Patri.

Oratio

Exáudi, quæsumus, Dómine, preces nostras, quas in beáti Gebhárdi Confessoris tui atque Pontíficis sollemnitate deférimus:

et, qui tibi digne méruit famulári, ejus intercedéntibus méritis, ab ómnibus nos absólve peccátis. Per Dóminum nostrum Jesum Christum, Filium tuum: Qui tecum vivit et regnat.

Et fit Commemoratio S. Josephi Calasancii Conf.:

Oratio

Deus, qui per sanctum Joséphum Confessórem tuum, ad erudiéndam spíritu intelligéntiæ ac pietátis juventútem, novum Ecclésiæ tuæ subsidium providere dignátus es: præsta, quæsumus; nos, ejus exémplo et intercessióne, ita fácere et docere, ut præmia consequámur æténa. Per Dóminum nostrum Jesum Christum, Filium tuum: Qui tecum.

Léctio libri Sapiéntiæ

Eccli. 45, 1-6

Diléctus Deo et hominibus, cujus memória in benedictióne est. Símilem illum fecit in glória sanctorum, et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitate ipsíus sanctum fecit illum, et elégit eum ex omni carne. Audívit enim eum et vocem ipsíus, et indúxit illum in nubem. Et dedit illi coram præcepta, et legem vitæ et disciplinæ.

Graduale Ps. 131, 16-17

Sacerdotes ejus induam salutari: et sancti ejus exultatione exultabunt. **V.** Illuc producam cornu David: paravi lucernam Christo meo.

Allelúja, allelúja. **V. Ps. 109, 4** Juravit Dominus, et non penitabit eum: Tu es sacerdos in aeternum, secundum ordinem Melchisedech. Allelúja.

✠ Sequentia sancti Evangelii secundum Matthaeum

Matth. 24, 42-47

In illo tempore: Dixit Jesus discipulis suis: Vigiláte, quia nescitis, qua hora Dominus vester venturus sit. Illud autem scitote, quoniam, si sciret paterfamilias, qua hora fur venturus esset, vigilaret utique, et non sineret perfodi domum suam. Ideo et vos estote parati: quia qua nescitis hora Filius hominis venturus est. Quis, putas, est fidelis servus et prudens, quem constituit dominus suus super familiam suam, ut det illis cibum in tempore? Beatus ille servus, quem, cum venerit dominus ejus, invenerit sic facientem. Amen, dico vobis, quoniam super omnia bona sua constituet eum.

Offertorium Ps. 88, 25

Veritas mea et misericordia mea cum ipso: et in nomine meo exaltabitur cornu ejus.

Secreta

Sancti Gebhardi Confessoris tui atque Pontificis, quaesumus, Domine, annua solllemnitas pietati tuae nos reddat acceptos: ut, per haec piae placationis officia, et illum beata retributio comitetur, et nobis gratiae tuae dona conciliet. Per Dominum nostrum.

Pro S. Josepho Calasanctio
Secreta

Altare tuum, Domine, muneribus cumulamus oblatis: ut ejus nobis fiant supplicatione propitia, cujus nos donasti patrocinio adjuvari. Per Dominum nostrum.

Communio Matth. 24, 46-47

Beatus servus, quem, cum venerit dominus, invenerit vigilantem: amen dico vobis, super omnia bona sua constituet eum.

Postcommunio

Deus, fidelium remunerator animarum: praesta; ut beati Gebhardi Confessoris tui atque Pontificis, cujus venerandam celebramus festivitatem, precibus indulgentiam consequamur. Per Dominum nostrum.

Pro S. Josepho Calasanctio
Postcommunio

Sanctificati, Domine, salutari mysterio: quaesumus; ut, intercedente sancto Josepho Confessore tuo, ad majus semper proficiamus pietatis incrementum. Per Dominum nostrum.

Die 6 Septembris
S. MAGNI ABBATIS

Duplex

Missa Os justi, de Communi Abbatum.

Oratio C

Intercéssio nos, quæsumus, Dómine, beáti Magni Abbátis comméndet: ut, quod nostris méritis non valémus, ejus patrocínio assequámur. Per Dóminum.

Secreta C

Sacris altáribus, Dómine, hóstias superpósitas sanctus Magnus Abbas, quæsumus, in salútem nobis provenire depóscat. Per Dóminum nostrum.

Postcommunio C

Prótegat nos, Dómine, cum tui perceptióne sacraménti beátus Magnus Abbas, pro nobis intercedéndo: ut et conversatiónis ejus experiámur insignia, et intercessiόνis percipiámus suffrágia. Per Dóminum nostrum.

In diócesi Brixinensi tantum

Die 10 Septembris

DEDICATIO
BASILICÆ CATHEDRALIS

Duplex I classis
cum Octava communi

Missa Terribilis, de Communi Dedicatiónis Ecclesiæ.

Et, in Missis privatis tantum, fit Commemoratio S. Nicolai de To-

lentino Confessoris, ut in Missali hac die.

In diócesi Brixinensi tantum

Die 11 Septembris

DE OCTAVA
DEDICATIONIS
BASILICÆ CATHEDRALIS

Semiduplex

Missa ut in Festo.

Et fit Commemoratio Ss. Proti et Hyacinthi Martyrum, ut in Missali hac die.

In Administratura
Cenipontana tantum

Die 12 Septembris

SANCTISSIMI
NOMINIS MARLÆ

Duplex II classis

Omnia ut in Missali.

Die 13 Septembris

B. NOTHBURGÆ
VIRGINIS

Duplex

Introitus Ps. 44, 8

DILEXISTI justitiam, et odisti iniquitatem: propterea unxit te Deus, Deus tuus, oleo lætitiæ præ consórtibus tuis. Ps. *ibid.*, 2 Eructávit cor meum verbum bonum: dico ego ópera mea Regi.

℣. Glória Patri.

Oratio

Prætende, Dómine, fidélibus tuis dexteram cæléstis auxilií: ut méritis et exémplo beátæ Nothbúrgæ Virginis te toto corde perquirant, et quæ digne póstulant, cónsequi mereántur. Per Dóminum nostrum.

Et, in diócesi Brixinensi, fit Commemoratio Octavæ Dedicatiónis Basilicæ Cathedralis:

Oratio

Deus, qui nobis per singulos annos hujus sancti templi tui consecratiónis réparas diem, et sacris semper mystériis repræséntas incólumes: exáudi preces pópuli tui, et præsta; ut, quisquis hoc templum beneficia petitúrus ingréditur, cuncta se impetrásse lætétur. Per Dóminum nostrum Jesum Christum, Filium tuum: Qui tecum vivit et regnat.

Léctio Epistolæ beáti Pauli
Apóstoli ad Corínthios

2 Cor. 10, 17-18; 11, 1-2

Fratres: Qui gloriátur, in Dómino gloriétur. Non enim qui seípsum comméndat, ille probátus est; sed quem Deus comméndat. Utinam sustinerétis módicum quid insipiéntiæ meæ, sed et supportáte me: æmulor enim vos Dei æmulatióne. Despóndi enim vos uni viro vírginem castam exhibére Christo.

³ Miss.-Propr. Brixin.-Genipontan.

Graduale Ps. 44, 5

Spécie tua et pulchritúdine tua inténde, prospere procéde, et regna. **V.** Propter veritátem, et mansuetúdinem, et justítiam: et dedúcet te mirabíliter dextera tua.

Allelúja, allelúja. **V.** **Ibid., 15 et 16** Adducéntur Regi Vírgines post eam: próximæ ejus afferéntur tibi in lætítia. Allelúja.

+ Sequéntia sancti Evangélii
secúndum Matthæum

Matth. 25, 1-13

In illo témpore: Dixit Jesus discipulis suis parábolam hanc: Simile erit regnum cælórum decem virgínibus: quæ, accipiéntes lámpades suas, exiérunt óbviam sponso et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lampádibus, non sumpserunt óleum secum: prudéntes vero accepérunt óleum in vasis suis cum lampádibus. Moram autem faciénte sponso, dormitáverunt omnes et dormiérunt. Média autem nocte clamor factus est: Ecce, sponsus venit, exíte óbviam ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixérunt: Date nobis de óleo vestro: quia lámpades nostræ exstinguúntur. Respondé-

runt prudéntes, dicéntes: Ne forte non sufficiat nobis et vobis, ite pótius ad vendéntes, et émitte vobis. Dum autem irent émere, venit sponsus: et quæ parátæ erant, intravérunt cum eo ad nuptias, et clausa est jánuā. Novissime vero véniunt et réliquæ vírgines, dicéntes: Dómine, Dómine, áperi nobis. At ille respóndens, ait: Amen, dico vobis, nescio vos. Vigilate itaque, quia nescitis diem neque horam.

In diócesi Brixinensi Credo, ratione Octavæ.

Offertorium Ps. 44, 10

Filiæ regum in honóre tuo, ástitit regina a dextris tuis in vestítu deauráto, circúmdatā varietátē.

Secreta

Cæléstem nobis præbeant hæc mystéria, quæsumus, Dómine, medicínā: et, intercedénte beáta Nothbúrga Vírgine tua, vítia nostri cordis expúrgent. Per Dóminum nostrum.

**Pro Octava Dedicatiónis
In Basilica Cathedrali**

Secreta

Annue, quæsumus, Dómine, precibus nostris: ut, quicumque intra templi hujus, cujus anniversarium dedicatiónis diem celebrámus, ámbitum continémur, plena tibi atque perfécta córporis et animæ devotiónē placeámus; ut,

dum hæc vota præsentia reddimus, ad æterna præmia, te adjuvante, pervenire mereámur. Per Dóminum nostrum.

**Extra Basilicam Cathedralē
Secreta**

Annue, quæsumus, Dómine, precibus nostris: ut, dum hæc vota præsentia reddimus, ad æterna præmia, te adjuvante, pervenire mereámur. Per Dóminum nostrum.

Communio Matth. 25, 4 et 6

Quinque prudéntes vírgines acceperunt óleum in vasis suis cum lampádibus: média autem nocte clamor factus est: Ecce, sponsus venit: exite óbviā Christo Dómino.

Postcommunio

Auxiliéntur nobis, Dómine, sumpta mystéria: et, intercedénte beáta Nothbúrga Vírgine tua, sempiterna protectiónē confirmet. Per Dóminum nostrum.

**Pro Octava Dedicatiónis
Postcommunio**

Deus, qui de vivis et eléctis lapidibus ætérnum majestáti tuæ præparas habitáculum: auxiliáre pópulo tuo supplicánti; ut, quod Ecclésiæ tuæ corporálibus proficit spátiis, spirituálibus amplificétur augméntis. Per Dóminum nostrum.

In diocesi Brixinensi tantum

Die 17 Septembris

OCTAVA

DEDICATIONIS

BASILICÆ CATHEDRALIS

Duplex majus

Missa Terribilis, de Communi
Dedicationis Ecclesiæ.

Et fit Commemoratio Impressio-
nis Ss. Stigmatum S. Francisci,
ut in Missali hac die.

Deinde, in Quatuor Temporibus,
fit Commemoratio Feriæ ac legi-
tur ejus Evangelium in fine.

In Administratura
Cenipontana tantum

Die 25 Septembris

SANCTI NICOLAI DE FLÛE
EREMITÆ ET CONF.

Duplex

Introitus Ps. 36, 30-31

OS justi meditabitur sa-
piëntiam, et lingua ejus
loquétur judicium: lex
Dei ejus in corde ipsius. *Ps. ibid.,*
1 Noli æmulári in malignántibus;
neque zeláveris faciéntes iniqui-
tátem. *V. Glória Patri.*

Oratio

Deus, qui beátum Nicoláum
Eremitam, Angelórum esca
mirabiliter nutrire, ac donis cæ-
léstibus cumuláre voluisti: con-
céde, quæsumus; ut ejus interces-
sióne Dominicum corpus digne

súmere in terris, et gloriósum
conspicere mereámur in cælis.
Per eúndem Dóminum.

Léctio libri Sapiëntiæ

Eccli. 31, 8-11

Beátus vir, qui invéntus est sine
mácula, et qui post aurum
non ábiit, nec sperávit in pecúnia
et thesáuris. Quis est hic, et lau-
dábitus eum? fecit enim mirabi-
lia in vita sua. Qui probátus est
in illo, et perféctus est, erit illi
glória ætérna: qui pótuit trãs-
gredi, et non est transgréssus: fá-
cere mala, et non fecit: ideo sta-
bilíta sunt bona illius in Dómino,
et eleemósynas illius enarrábit
omnis ecclésia sanctórum.

Graduale *Ps. 91, 13 et 14*

Justus ut palma florébit: sicut ce-
drus Libani multiplicábitur in
domo Dómini. *V. Ibid., 3* Ad an-
nuntiándum mane misericórdiam
tuam, et veritátem tuam per noc-
tem.

Allelúja, allelúja. *V. Jac. 1, 12*
Beátus vir, qui suffert tentatió-
nem: quóniam, cum probátus
fúerit, accipiet coronam vitæ. Al-
lelúja.

† Sequëntia sancti Evangélii
secúndum Matthæum

Matth. 19, 27-29

In illo témpore: Dixit Petrus ad
Jesum: Ecce, nos reliquimus
ómnia, et secúti sumus te: quid

ergo erit nobis? Jesus autem dixit illis: Amen, dico vobis, quod vos, qui secúti estis me, in regeneratióne, cum séderit Filius hóminis in sede majestátis suæ, sedébitis et vos super sedes duódecim, judicántes duódecim tribus Israel. Et omnis, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accipiet, et vitam ætérnam possidébit.

Offertorium Ps. 88, 25

Véritas mea et misericórdia mea cum ipso: et in nómine meo exaltábitur cornu ejus.

Secreta

Laudis tibi, Dómine, hóstias immolámus in tuórum commemoratióne Sanctórum: quibus nos et præséntibus éxui malis confidimus et futúris. Per Dóminum nostrum.

Communio Matth. 24, 46-47

Beátus servus, quem, cum vénerit dóminus, invénerit vigilántem: amen, dico vobis, super ómnia bona sua constituet eum.

Postcommunio

Refécti cibo potúque cælésti, Deus noster, te súpplices exorámus: ut, in cujus hæc commemoratióne percépimus, ejus muniamur et précibus. Per Dóminum nostrum.

In Administratura Cēnipontana
Die 8 Octobris

In diœcesi Brixinensi

Die 12 Octobris

In Ecclesiis consecratis
excepta Cathedrali

DEDICATIO
ECCLESIAE PROPRIÆ

Duplex I classis
cum Octava communi

Missa Terribilis, de Communi
Dedicationis Ecclesiæ.

In Administratura Cēnipontana,
in Missis privatis tantum, fit
Commemoratio S. Birgittæ Viduæ, ut
in Missali.

In Admin. Cēnipontana tantum
Die 12 Octobris

DE V DIE INFRA OCTAVAM
DEDICATIONIS
ECCLESIAE PROPRIÆ

Semiduplex

Missa ut in Festo. 2^a Oratio de
sancta Maria Concède, 3^a contra
persecutores Ecclesiæ vel pro
Papa.

In Admin. Cēnipontana tantum
Die 15 Octobris

OCTAVA
DEDICATIONIS
ECCLESIAE PROPRIÆ

Duplex majus

Missa Terribilis, ut in Festo.
Et fit Commemoratio S. Teresiæ
Virginis, ut in Missali hac die.

Die 16 Octobris
S. GALLI ABBATIS

Duplex

Missa Os justi, de Communi Abbatum.

Oratio

C

Intercéssio nos, quæsumus, Dómine, beáti Galli Abbátis commendet: ut, quod nostris méritis non valémus, ejus patrocínio assequámur. Per Dóminum.

Et fit Commemoratio S. Hedwigis Viduæ:

Oratio

Deus, qui beátam Hedwigem a sæculi pompa ad húmitem tuæ Crucis sequelam toto corde transire docuísti: concéde; ut ejus méritis et exémplo discámus peritúras mundi calcáre delicias, et in ampléxu tuæ Crucis ómnia nobis adversántia superáre. (Qui vivis et regnas.)

Deinde, in diócesi Brixinensi, in Ecclesiis consecratis, excepta Cathedrali, Octavæ:

Oratio

Deus, qui nobis per singulos annos hujus sancti templi tui consecrationis réparas diem, et sacris semper mystériis repræséntas incólumes: exáudi preces pópuli tui, et præsta; ut, quisquis hoc templum beneficia petitúrus ingréditur, cuncta se impetrásse lætétur. Per Dóminum.

Secreta

C

Sacris altáribus, Dómine, hóstias superpósitas sanctus Gallus Abbas, quæsumus, in salútem nobis provenire depóscat. Per Dóminum nostrum Jesum Christum, Fílium tuum: Qui tecum.

Pro S. Hedwige

Secreta

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cognóscit auxílium. (Per Dóminum nostrum.)

In diócesi Brixinensi

Pro Octava

Secreta

Annue, quæsumus, Dómine, precibus nostris: ut, quicumque intra templi hujus, cujus anniversárium dedicatiónis diem celebrámus, ámbitum continémur, plena tibi atque perfécta córporis et ánimæ devotióne placeámus; ut, dum hæc vota præsentia reddimus, ad æténa præmia, te adjuvante, pervenire mereámur. Per Dóminum nostrum.

Postcommunio

C

Prótegat nos, Dómine, cum tui perceptiõe sacraménti beátus Gallus Abbas, pro nobis intercedéndo: ut et conversatiónis ejus experiámur insignia, et intercessiõe percipiámus suffrágia. Per Dóminum nostrum.

Pro S. Hedwige Postcommunio
Satiásti, Dómine, familiam tuam
munéribus sacris: ejus, quæsu-
mus, semper interventióne nos
réfove, cujus sollémnia celebrá-
mus. (Per Dóminum nostrum.)

In diœcesi Brixinensi

Pro Octava Postcommunio

Deus, qui de vivis et eléctis lapi-
dibus ætérnum majestáti tuæ præ-
paras habitáculum: auxiliáre pó-
pulo tuo supplicánti; ut, quod Ec-
clésiæ tuæ corporálibus próficit
spátiis, spirituálibus amplificétur
augméntis. Per Dóminum.

In diœcesi Brixinensi tantum

Die 19 Octobris

OCTAVA

DEDICATIONIS

ECCLESIAE PROPRIÆ

Duplex majus

Missa Terribilis, ut in Festo.

**Et fit Com. S. Petri de Alcantara
Conf., ut in Missali hac die.**

**In Administratura
Enipontana tantum**

Die 15 Novembris

S. LEOPOLDI CONF.

Duplex

Introitus Ps. 36, 30-31

OS justi meditábitur sapién-
tiam, et lingua ejus lo-
quétur júdicium: lex Dei
ejus in corde ipsius. **Ps. ibid., 1**

Noli æmulári in malignántibus:
neque zeláveris faciéntes iniqui-
tátem. **V. Glória Patri.**

Oratio

Deus, qui beátum Leopóldum
a sæculi curis ad cælestem
glóriam traduxisti: concéde, quæ-
sumus; ita nos per hæc temporá-
lia pertransire, ut ætérnæ vitæ
consórtia mereámur. Per Dómi-
num nostrum.

**Et fit Commemoratio S. Alberti
Magni Ep. et Conf.:**

Oratio

Deus, qui beátum Albértum Pon-
tificem tuum atque Doctórem in
humána sapiéntia divinæ fidei
subiciénda magnum effecisti: da
nobis, quæsumus; ita ejus magi-
stérii inhærere vestigiis, ut luce
perfécta fruámur in cælis. Per
Dóminum nostrum Jesum Chri-
stum, Filium tuum: Qui tecum.

Léctio libri Sapiéntiæ

Eccli. 31, 8-11

Beátus vir, qui invéntus est sine
mácula, et qui post aurum
non ábiit, nec sperávit in pecúnia
et thesáuris. Quis est hic, et lau-
dábimus eum? fecit enim mirábili-
a in vita sua. Qui probátus est in
illo, et perféctus est, erit illi gló-
ria ætérna: qui pótuít tránsgrédi,
et non est tránsgréssus: fácere
mala, et non fecit: ideo stabilita
sunt bona illius in Dómino, et

elemósynas illius enarrábit omnis ecclésia sanctórum.

Graduale Ps. 91, 13 et 14

Justus ut palma florébit: sicut cedrus Libani multiplicábitur in domo Dómini. **V. Ibid., 3** Ad annuntiándum mane misericórdiam tuam, et veritátem tuam per noctem.

Allelúja, allelúja. **V. Jac. 1, 12** Beátus vir, qui suffert tentatió-nem: quóniam, cum probátus fúerit, accipiet corónam vitæ. Allelúja.

✠ Sequéntia sancti Evangélii secúndum Lucam

Luc. 19, 12-26

In illo témpore: Dixit Jesus discipulis suis parábolam hanc: Homo quidam nóbilis ábiit in regiónem longinquam accipere sibi regnum, et revérsti. Vocátis autem decem servis suis, dedit eis decem mnas, et ait ad illos: Negotiámini, dum vénio. Cives autem ejus óderant eum: et misérunt legatió-nem post illum, dicé-ntes: Nólumus hunc regnare super nos. Et factum est, ut rediret ac-cepto regno: et jussit vocári ser- vos, quibus dedit pecú-niam, ut sciret, quantum quisque nego- tiátus esset. Venit autem primus, dicens: Dómine, mna tua decem mnas acquisívit. Et ait illi: Euge, bone serve, quia in mó-dico fuísti fidé-lis, eris potestátem habens

super decem civitátes. Et alter venit, dicens: Dómine, mna tua fecit quinque mnas. Et huic ait: Et tu esto super quinque civitátes. Et alter venit, dicens: Dómine, ecce mna tua, quam hábui repó-sitam in sudá-rio: tímui enim te, quia homo austé- rus es: tollis, quod non posuisti, et metis quod non seminásti, Dicit ei: De ore tuo te jú-dico, serve nequam. Sciébas, quod ego homo austé- rus sum, tollens, quod non pósui, et metens, quod non seminávi: et quare non dedisti pecú-niam meam ad mensam, ut ego véniens cum usúris úti- que exegissem il- lam? Et astántibus dixit: Auférte ab illo mnam, et date illi, qui decem mnas habet. Et dixerunt ei: Dómine, habet decem mnas. Di- co autem vobis: Quia omni habé-nti dábitur, et abundábit: ab eo autem, qui non habet, et, quod habet, auferétur ab eo.

Offertorium Ps. 88, 25

Véritas mea et misericórdia mea cum ipso: et in nómine meo exal- tábitur cornu ejus.

Secreta

Laudis tibi, Dómine, hóstias im- molá-mus in tuórum comme- moratió-ne Sanctórum: quibus nos et præséntibus éxui malis confidimus et futúris. Per Dómi- num nostrum Jesum Christum, Fílium tuum: Qui tecum.

Pro S. Alberto Magno
Secreta

Sacrificiis præséntibus, Dómine, quæsumus, inténde placátus: ut quod passiónis Filii tui, Dómini nostri, mystério gérimus, beáti Albéрти intercessióne et exémplo, pio consequámur afféctu. Per eúndem Dóminum nostrum.

Communio Matth. 24, 46-47

Beátus servus, quem, cum vénerit dóminus, invénerit vigilántem: amen, dico vobis, super ómnia bona sua constituet eum.

Postcommunio

Refécti cibo potúque cælésti, Deus noster, te súpplices exorámus: ut, in cuius hæc commemoratióne percépimus, ejus mu- niámur et précibus. Per Dñm.

Pro S. Alberto Magno
Postcommunio

Per hæc sancta, quæ súmpsimus, ab hóstium nos, Dómine, impugnatione defénde: et, intercedente beáto Albéрто Confessore tuo atque Pontifice, perpétua pace respiráre concéde. Per Dñm.

Die 17 Novembris
S. FLORINI CONF.

Duplex

Introitus Ps. 91, 13-14

JUSTUS ut palma florébit: sicut cedrus Líbani multiplí- cábitur: plantátus in domo Dómini: in átriis domus Dei no-

stri. Ps. *ibid.*, 2 Bonum est confitéri Dómino: et psállere nómini tuo, Altíssime.

℣. Glória Patri.

Oratio

Deus, qui hodiérna die nobis tribuísti, beáti Floríni Confessoris tui sollemnitátem venerári: adésto propítius Ecclésiæ tuæ précibus, et ex ejus nobis imitatióne concéde; pro amóre tuo próspéra mundi despícere, et nulla ejus advérsa formidáre. Per Dóminum nostrum.

Et fit Commemoratio S. Gregorii
Thaumaturgi Ep. et Conf.:

Oratio

Da, quæsumus, omnipotens Deus: ut beáti Gregórii Confessoris tui atque Pontificis veneránda sollémnitas, et devotiónem nobis áugeat et salutem. Per Dóminum nostrum.

Léctio Epístolæ beáti Pauli
Apóstoli ad Corinthios

1 Cor. 4, 9-14

Fratres: Spectáculum facti sumus mundo et Angelis et homínibus. Nos stulti propter Christum, vos autem prudéntes in Christo: nos infírmi, vos autem fortes: vos nóbiles, nos autem ignóbiles. Usque in hanc horam et esurímus, et sitímus, et nudi sumus, et cólaphis cædimur, et instábiles sumus, et laborámus operántes má nibus nostris: ma-

ledicimur, et benedicimus: persecutióne[m] pátimur, et sustinémus: blasphemámur, et obsecrámus: tamquam purgaménta hujus mundi facti sumus, ómnium peripséma usque adhuc. Non ut confúndam vos, hæc scribo, sed ut filios meos caríssimos móneo: in Christo Jesu, Dómino nostro.

Graduale Ps. 36, 30-31

Os justi meditábitur sapiéntiam, et lingua ejus loquétur judicium.

℣. Lex Dei ejus in corde ipsius: et non supplantabúntur gressus ejus.

Allelúja, allelúja. ℣. Ps. 111, 1
Beátus vir, qui timet Dóminum: in mandátis ejus cupit nimis. Allelúja.

✠ Sequéntia sancti Evangélii
secúndum Lucam

Luc. 12, 32-34

In illo témpore: Dixit Jesus discipulis suis: Nolite timére, pusillus grex, quia complácuít Patri vestro dare vobis regnum. Véndite quæ possidétis, et date elemósynam. Fácite vobis sácculos, qui non veteráscunt, thesáurum non deficiéntem in cælis: quo fur non apprópiat, neque tinea corrúmpit. Ubi enim thesáurus vester est, ibi et cor vestrum erit.

Offertorium Ps. 20, 2-3

In virtúte tua, Dómine, lætábitur justus, et super salutáre tuum ex-

sultábit veheménter: desidérium ánimæ ejus tribuísti ei.

Secreta

Præsta nobis, quæsumus, omnipotens Deus: ut nostræ humilitátis oblátio et pro tuórum tibi grata sit honóre Sanctórum, et nos córpore páriter et mente purificet. Per Dóminum nostrum.

Pro S. Gregorio Thaumaturgo

Secreta

Sancti tui, quæsumus, Dómine, nos ubique lætifícent: ut, dum eórum mérita recólimus, patrocinia sentiámus. Per Dóminum.

Communio Matth. 19, 28 et 29

Amen, dico vobis: quod vos, qui reliquistis ómnia et secúti estis me, céntuplum accipiétis, et vitam ætéram possidébítis.

Postcommunio

Quæsumus, omnipotens Deus: ut, qui cæléstia aliménta percépimus, intercedénte beáto Florino Confessóre tuo, per hæc contra ómnia advérsa muniámur. Per Dóminum nostrum.

Pro S. Gregorio Thaumaturgo

Postcommunio

Præsta, quæsumus, omnipotens Deus: ut, de percéptis munéribus grátias exhibéntes, intercedénte beáto Gregório Confessóre tuo atque Pontífice, beneficia potióra sumámus. Per Dóminum.

In Administratura
Cenipontana tantum

Die 26 Novembris

S. CONRADI EP. ET CONF.

Duplex

Introitus Eccli. 45, 30

STATUIT ei Dóminus testaméntum pacis, et principem fecit eum: ut sit illi sacerdoti dignitas in ætérnum. **Ps. 131, 1** Meménto, Dómine, David: et omnis mansuetúdinis ejus.

℣. Glória Patri.

Oratio

Da, quæsumus, omnipotens Deus: ut beáti Conrádi Confessoris tui atque Pontificis veneranda sollémnitas, et devotiónem nobis áugeat et salutem. Per Dóminum nostrum.

Et fit Com. S. Silvestri Abbatis:

Oratio

Clementissime Deus, qui sanctum Silvéstrum Abbátem, sæculi hujus vanitátem in apérto túmulo pie meditántem, ad erémum vocáre et præcláris vitæ méritis decoráre dignátus es: te súpplices exorámus; ut, ejus exémplo terrena despiciéntes, tui consórtio perfruámur ætérno. (Per Dñm.)

Deinde S. Petri Alexandrini Ep. et Mart.:

Oratio

Infirmítatem nostram réspice, omnipotens Deus: et, quia pondus própriæ actiónis gravat, beáti

Petri Mártyris tui atque Pontificis intercésio gloriósa nos protégat. Per Dóminum nostrum.

Léctio libri Sapiéntiæ

Eccli. 44, 16-27; 45, 3-20

Ecce sacerdos magnus, qui in diébus suis plácuít Deo, et invéntus est justus: et in tēpore iracúndiæ factus est reconciliátio. Non est invéntus similis illi, qui conservávit legem Excélsi. Ideo jurejurádo fecit illum Dóminus créscere in plebem suam. Benedictiónem ómnium géntium dedit illi, et testaméntum suum confirmávit super caput ejus. Agnóvit eum in benedictiónibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi coronam glóriæ. Státuit illi testaméntum ætérnum, et dedit illi sacerdotium magnum: et beatificávit illum in glória. Fungi sacerdotio, et habére laudem in nómine ipsius, et offerre illi incensum dignum in odórem suavitátis.

Graduale Eccli. 44, 16

Ecce sacerdos magnus, qui in diébus suis plácuít Deo. ℣. **Ibid., 20** Non est invéntus similis illi, qui conserváret legem Excélsi.

Allelúja, allelúja. ℣. **Ps. 109, 4** Tu es sacerdos in ætérnum, secúndum órđinem Melchisedech. Allelúja.

† Sequéntia sancti Evangélli
secúndum Matthæum

Matth. 25, 14-23

In illo tēpore: Dixit Jesus discipulis suis parabolam hanc: Homo peregri proficiscens, vocavit servos suos, et tradidit illis bona sua. Et uni dedit quinque talenta, alii autem duo, alii vero unum, unicuique secundum propriam virtutem, et profectus est statim. Abiit autem, qui quinque talenta acceperat, et operatus est in eis, et lucratus est alia quinque. Similiter et, qui duo acceperat, lucratus est alia duo. Qui autem unum acceperat, abiens fodit in terram, et abscondit pecuniam domini sui. Post multum vero temporis venit dominus servorum illorum, et posuit rationem cum eis. Et accedens qui quinque talenta acceperat, obtulit alia quinque talenta, dicens: Domine, quinque talenta tradidisti mihi, ecce, alia quinque superlucratus sum. Ait illi dominus ejus: Euge, serve bone et fidelis, quia super pauca fuisti fidelis, super multa te constituam: intra in gaudium domini tui. Accessit autem et qui duo talenta acceperat, et ait: Domine, duo talenta tradidisti mihi, ecce, alia duo lucratus sum. Ait illi dominus ejus: Euge, serve bone et fidelis, quia super pauca fuisti fidelis, super multa te con-

stituam: intra in gaudium domini tui.

Offertorium Ps. 88, 21-22

Inveni David servum meum, oleo sancto meo unxi eum: manus enim mea auxiliabitur ei, et brachium meum confortabit eum.

Secreta

Sancti tui, quæsumus, Domine, nos ubique lætificent: ut, dum eorum merita recolimus, patrocina sentiamus. Per Dominum nostrum Jesum Christum, Filium tuum: Qui tecum vivit.

Pro S. Silvestro **Secreta**

Quæsumus, Domine: ut, dum hæc mûnera divinæ majestati tuæ reverenter offerimus; pia mentis præparatione et cordis puritate, beati Silvestri Abbatis imitatores effecti, Corpus et Sanguinem Filii tui sancte percipere mereamur. (Qui tecum vivit et regnat.)

Pro S. Petro **Secreta**

Hóstias tibi, Domine, beati Petri Mártyris tui atque Pontificis dicatas méritis, benignus assume: et ad perpétuum nobis tribue provenire subsidium. Per Dominum nostrum Jesum Christum, Filium tuum: Qui tecum vivit.

Communio Luc. 12, 42

Fidelis servus et prudens, quem constituit dominus super familiam suam: ut det illis in tempore tritici mensuram.

Postcommunio

Præsta, quæsumus, omnipotens Deus: ut, de percéptis munéribus grátias exhibéntes, intercedénte beáto Conrado Confessóre tuo atque Pontífice, beneficia potióra sumámus. Per Dóminum.

Pro S. Silvestro**Postcommunio**

Divína dape reféctis tribue, quæsumus, Dómine: sancti Silvéstri

Abbátis vestigiis ita inhærere; ut copiósam mercédem in regno glóriæ tuæ cum Sanctis habeámus. (Per Dóminum nostrum.)

Pro S. Petro Postcommunio

Refécti participatióne múnieris sacri, quæsumus, Dómine, Deus noster: ut, cujus exséquimur cultum, intercedénte beáto Petro Mártire tuo atque Pontífice, sentiámus efféctum. Per Dóminum.

MISSA VOTIVA DE PATRONIS ECCLESIAE BRIXINENSIS

Introitus Ps. 131, 9-10

SACERDOTES tui, Dómine, induant justítiam, et sancti tui exsúltent: propter David servum tuum, non avértas fáciem Christi tui. (T. P. Allelúja, allelúja.) Ps. *ibid.*, 1 Meménto, Dómine, David: et omnis mansuetúdinis ejus.

℣. Glória Patri.

Oratio

Propitiáre, quæsumus, Dómine, nobis fámulis tuis per beáti Cassiáni Mártiris tui atque Pontíficis, sanctorúmque Confessorum tuórum atque Pontificum Ingentuini et Albuini mérita gloriósa: ut eórum pia intercessióne ab ómnibus protegámur advérsis. Per Dóminum nostrum Jesum Christum, Filium tuum: Qui tecum vivit et regnat.

Léctio Epistolæ beáti Pauli
Apóstoli ad Hebræos

Hebr. 7, 23-27

Fratres: Plures facti sunt sacerdotes, idcirco quod morte prohiberéntur permanére: Jesus autem, eo quod máneat in ætérnum, sempitérnum habet sacerdotium. Unde et salváre in perpétuum potest accedéntes per semetipsum ad Deum: semper vivens ad inter-

pellándum pro nobis. Talis enim decébat, ut nobis esset póntifex, sanctus, innocens, impollútus, segregátus a peccatóribus, et excélsior cælis factus: qui non habet necessitátem cotídie, quemádmódum sacerdotes, prius pro suis delictis hóstias offerre, deinde pro pópuli: hoc enim fecit semel, seipsum offeréndo, Jesus Christus, Dóminus noster.

Graduale Ps. 131, 16-17

Sacerdotes ejus induam salutári: et sancti ejus exsultatióne exsultábunt. ℣. Illuc producám cornu David: parávi lucérnam Christo meo.

Allelúja, allelúja. ℣. Ps. 109, 4 Jurávit Dóminus, et non pænitébit eum: Tu es sacerdos in ætérnum, secúndum órđinem Melchisedech. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3

Beátus vir, qui timet Dóminum: in mandátis ejus cupit nimis. ℣. Potens in terra erit semen ejus: generatio rectorum benedicétur. ℣. Glória et divitiæ in domo ejus: et justítia ejus manet in sæculum sæculi.

Tempore autem Paschali omittitur Graduale, et ejus loco dicitur:

Allelúja, allelúja. **V. Ps. 109, 4**
Jurávit Dóminus, et non pænitébit eum: Tu es sacérdos in ætérnum, secúndum órđinem Melchisedech. Allelúja. **V. Eccli. 45, 9**
Amávit eum Dóminus, et ornávit eum: stolam glóriæ induit eum. Allelúja.

✠ Sequéntia sancti Evangélii
secúndum Matthæum

Matth. 24, 42-47

In illo témpore: Dixit Jesus discípulis suis: Vigiláte, quia nescítis, qua hora Dóminus vester ventúrus sit. Illud autem scitóte, quóniam, si sciret paterfamilias, qua hora fur ventúrus esset, vigiláret útique, et non sineret pérfodi domum suam. Ideo et vos estóte paráti: quia qua nescítis hora, Filius hóminis ventúrus est. Quis, putas, est fidélis servus et prudens, quem constituit dóminus suus super familiam suam, ut det illis cibum in témpore? Beátus ille servus, quem, cum vénerit dóminus ejus, invénerit sic faciéntem. Amen dico vobis, quóniam super ómnia bona sua constituet eum.

Offertorium Ps. 88, 25

Véritas mea et misericórdia mea cum ipso: et in nómine meo exaltábitur cornu ejus. (T. P. Allelúja.)

Secreta

Suscipiat cleméntia tua, quæsumus, Dómine, de má nibus nostris munus oblátum: et per beáti Cassiáni Mártyris tui atque Pontificis, sanctorúmque Confessorum tuórum atque Pontificum Ingenuíni et Albuíni oratiónes, ab ómnibus nos emúndet peccátis. Per Dóminum nostrum.

Communio Matth. 24, 46-47

Beátus servus, quem, cum vénerit dóminus, invénerit vigilántem: amen, dico vobis, super ómnia bona sua constituet eum. (T. P. Allelúja.)

Postcommunio

Divína, Dómine, libántes mystéria, quæ per beáti Cassiáni Mártyris tui atque Pontificis, sanctorúmque Confessorum tuórum atque Pontificum Ingenuíni et Albuíni veneratiónem, tuæ obtúlimus majestáti: præsta, quæsumus; ut per ea véniam mereámur peccatórum, et cæléstis grátia donis reficiámur. Per Dóminum nostrum.

INDEX ALPHABETICUS

Agathæ Virg. et Mart., duplex. 17 Februarii	11*	Geroldi Conf., duplex. 19 Aprilis	14*
Cassiani Ep. et Mart., Patroni Ecclesie Brixinensis, duplex majus. 13 Augusti	28*	Hartmanni Ep. et Conf., duplex. 12 Decembris	1*
— — Translatio, dupl. I cl. Sabbato ante Dom. II post Pascha	12*	Hemmæ Viduæ, duplex. 27 Junii	19*
Christinæ Virg. et Mart., duplex. 24 Julii	25*	Ingenuini et Albuini Epp. et Cc., Patronorum diœcesis Brixinensis, duplex I classis cum Octava communi. 5 Febr.	8*
Clementis Mariæ Hofbauer Conf., duplex. 15 Martii	11*	— — Octava, duplex majus. 12 Februarii	10*
Conradi a Parzham Conf., duplex. 20 Aprilis	15*	Joannis Nepomuceni Mart., duplex. 16 Maji	17*
Conradi Ep. et Conf., duplex. 26 Novembris	42*	Leopoldi Conf., duplex. 15 Novembris	38*
Dedicatio Basilicæ Cathedralis, duplex I classis cum Octava communi. 10 Septembris	32*	Lucani Ep. et Conf., Commemoratio. 27 Julii	28*
— — De Octava, semiduplex. 11 Septembris	32*	Lucii Ep. et Mart., Commemoratio. 3 Decembris	1*
— — Octava, duplex majus. 17 Septembris	35*	Magni Abbatis, duplex. 6 Septembris	32*
Dedicatio Ecclesie propriæ, duplex I classis cum Octava communi. 8 vel 12 Octobris	36*	Mariæ B. V., Sanctissimi Nominis, duplex II classis. 12 Sept.	32*
— — De V die infra Octavam, semiduplex. 12 Octobris	36*	— — Translacionis Imaginis sub titulo Auxilium Christianorum, dupl. I cl. cum Oct. comm. Sabbato ante Dom. I Julii	21*
— — Octava, duplex majus. In Administratura Cœnipontana 15 Octobris	36*	— — Octava, dupl. majus. Sabbato ante Dominicam II Julii	23*
— — Octava, duplex majus. In diœcesi Brixinensi 19 Octobris	38*	Nicolai de Filie Eremitæ et Conf., duplex. 25 Septembris	35*
Eusebii Mart., Commemoratio. 31 Januarii	8*	Nothburgæ Virg., duplex. 13 Septembris	32*
Florini Conf., duplex. 17 Novembris	40*	Otiliæ Virg., duplex. 14 Decembris	3*
Galli Abbatis, duplex. 16 Octobris	37*	Patronorum Ecclesie Brixinensis, Missa votiva	45*
Gebhardi Ep. et Conf., duplex. 27 Augusti	30*	Romedii Conf., duplex. 15 Januarii	6*
		Udalrici Ep. et Conf., duplex. 4 Julii	23*
		Valentini Ep. et Conf., Commemoratio. 7 Januarii	5*

Nr. 260/53

APPROBATIO

Concordat cum originali approbato
(Rescr. S. C. Rit. No. B 89/953, die 16 Decembris 1953).

Brixinæ, die 8 Januarii 1955
DR. JOANNES UNTERGASSER
Vic. gen.

Cœniponte, die 5 Januarii 1955
DR. BRUNO WECHNER
Provicarius

IMPRIMATUR.

Ratisbonæ, die 2 Februarii 1955
J. BALDAUF
Vic. gen.

Ratisbonæ, sumptibus et typis Friderici Pustet
Printed in Germany

